



# TOPPHIYEE MALLETEE NOONOO

## LDOJJECHI YAABOO

7<sup>ne</sup> Kimo

### Kafi Noonoonaa

#### **Biichito:**

- » Dojj: Almaaz G/Mikaalli

#### **Ciinii Tachito:**

- » Dojj: Mulugeeta Kaassawi

#### **Ibaariyeechino :**

- » D/no Akiliilu Alemi,
- » D/no Tefaye W/Yohaaniisi

#### **Diizaynachchi**

- » D/no. Siisaayi Taagassa



*T.F.D.R. DOYEE MINISTEERO*

<b>Gimo</b> .....	iii
<b>Haaroo ikkoo</b>	
Halloon worgano.....	1
<b>Haaroo guttoo</b>	
Kechi ashi yamoo.....	5
<b>Haaroo keemo</b>	
Qoopphi qoco.....	9
<b>Haaroo awuddo</b>	
Nallefeena'ochi wureena'o.....	14
<b>Haaroo uuchoo</b>	
Nuushittino.....	18
<b>Haaroo shirittoo</b>	
Besheebeeti biiyeena'o.....	22
<b>Haaroo shabaattoo</b>	
Echi aayi vi eediso.....	26
<b>Haaroo shimittoo</b>	
Achee miixittino.....	30
<b>Haaroo yiixiyoo</b>	
Aricheti aritisteenaa'ochi qelli kiino.....	34
<b>Haaroo aashiroo</b>	
Keemesho.....	37

# Gimo

Doyoonaa uumona baribaraani mooyina'one. uumo doyaallooni doyoo uumo aallooni boono gabeeti toocoochi shago hakkaacheete. Ebin getochi no beddeto doyoo uumochi inde qiico bi tunetochiye. Hini afaafinechinaa ikke gafee tunoyich shaddiyee toommoochi beeti aagetechi daachechi beemon yaa-boonaa bare showeena'ona tatoochi woyee shiichii shaaddeyoochi doyoo battibatti xaa'oon yechiye. Ebinoo shalligooch gedona topphiyee feederaalee diimokiraasee riipubliikee doyee minisiteero ikkinnee daqqoochee kottii ogooge doyee goreena'oochi beddaahaa doyee kooriceena'on, degee qiiceena'onaa gimeena'onon besheti wodde natina'ooch giddiyoonaa no showee wodde natina'ooch doyoona bare showeena'ona tato bi shaaddemmoch bi qoodee qiiccoon geddiibee yagite.

Ebinoo dabbiyoonaa shuunee toommoochi heechiyoo noon kuphiyooch doyee minisiteero goorigooroona doyee sheeroon qannayiye, bi qaawiyoommonoo ebiyee aafi qannitina'on shaddiye. Ebi tunoona topphiyee waayo hakkaani doyechina'o 1971M.Nchee kottii ikke mallette noonee kooricoona ( amaari mallette noonoon waayoonaa yibbaato hakkaaneena'och h kooricoo) ikkinnoochee shimittinnee kimooch beddaahaa doyiibee 2000M.Nch beddaahaa yagiteete. Eboommon 2001M.Nchee 2007M.Nchi beddaahaa Toppiyee mallette noonee mihee biishoon doyiibee yagiteete. Hini mallette noonee doyoo ikkinnee daqqee doyee kexina'oochi (battibatichoochee shimittinnoochi beddaahaa) doyiibee boono yagito ikke mallette noonee kooricoona tunoona mallette noonoo qaaweeti noonee dicon koberiyoonaa mallette noonoonaa mashaamoon bare doyee shaheena'on qaaweeti gommona dojjoochi xugo tune yagite.

Illa hini shabaattinnee kimee Toppiyee mallette noonee doyecho kooricoonaa dojjechochi yaaboonaa dojjooyichi bi qannimmona ebiyee aafi qannitina'oyee baroonaa bi shaahoono ikkinnoone. Doyechina'o, Toppiyee mallette dojjechina'o, doyechina'ochi shiitina'o, mallette noonee biichechina'onaa mallette noonoon doyooch niyyoo beeti ikki ikke asheena'o Toppiyee mallette noonoon doyoona dojjoonoch hini kooricoona gaachechina'o tuneheete getaa gibenehe.

Hini kooricee qannee inde naboo waayo hakkaani doyechina'o Toppiyee mallette noonoonaa shalligoon boono biriyemmochinaa wochii de'i iiqqoon boono kuphiyemmochiye. Noonee doyee qaawiyoo doyechina'ochi ellee, yibbaatee, shemmoonaa kooree iiqqoon boono kuphiyemmochiye. Toppiyee mallette noonoo ciinni toommooch kotteto bi tunoona, bare qaaree nooneena'ochoommon kooroo biichi aalli qoodooch, hini kooricee inde qaawiyoo dambaa getteetoommon doyechina'ochi Toppiyee mallette noonoonaa mashaamee iiqqoon kuphiyoochiye.

Tunoonoo Toppiyee mallette noonoo bare nooneena'ochoommon bi diccemmonaa waayo hakkaani doyechina'o Toppiyee mallette noonoonaa mashaamoon boono doyoona qaaweeti daachoon deewiyee showeech neexemmonaa bede showaashoo boono tunemmoch dojjechina'ochi qoodoo beshoone. Ebi tunoona dojjechina'o doyecho kooricoonaa dojjechochi yaaboonon gaawuchii shemmoonaa kimooch boono gimoyee aafi gaawuchii qannoona boonoshich giyaanoono katinooch danemmi Toppiyee mallette noonee qoppechon echoona doyechina'on gaawuchi boono dojjemmoch quyeehe.

## Ubbe dojje yaweenao

Hini TMN doyee gooroona TMN ciinni toommooch kotteto bi tunoonaa andi goorooch daachechi dojje yawo doyechon daggiito (student centered) bi tunoona dojjechina'o doyechon daggiit dojje yawoon boono gaachemmoch boyeehe. Dojjechina'o mashaamiyecho /kuphiyechinina'owani (facilitator) heccechi yaabecho tuno boonoshin qaawiyaache. Ebi tunoona dojjechina'o doyechina'o boono TMNnee iiqqoon boono kuphiyemmoch qoppee mashaamiyoo boono geddemmochi quyeehe. Hini kooricee maaci biriyoo, kaayo, daneti mooyon giddiyoo, ihaatiyoo, diraamoo, malletteena'och sheqqo, shemmee digeno dab giddetina'o tunoona wodde doyaa dojje gooroo shuuniyeemmo doyechina'ochi kimee maaci shuuraaronane.

Dojjechina' o ikkikke haaronaa ikkikke doyee kaalloochi mashaamiye boono iti dojje yawoon boono kaaccemmochi kuppheheete. Ebi tunoona kicii ciinnimmona hiniyee deshi sheqqeeti dojje yaweena' on shuunee toommoochi boono heechiyeemmoch quyehe.

- ◆ Shuunee bekkiyoo
- ◆ Guuphi ihaatiyoo
- ◆ Gutti guttoo tune ihaatiyoo (doyechina' o gutti guttoo tune boono ihaatiyeemmoch, shemmeeshoon boono shemmeemmoch, qaaree imaa de'iyoon boono giddiyeemmoch dab giibeeti yawoone.
- ◆ Echara wochoo (qamin echeena' onaa wocheena' ona)
- ◆ Diraamoo/kaayo
- ◆ Biriyo (doyechina' o guuphi ihaatiyyochee, gutti gutte ihaatiyoonaa qelloona boono giddiibeeti biriyoyee daakkoonaa dojjechonaa iibboona giddebeeti biriyoon ubba kiciye.
- ◆ Qaawii dano (hini yawo shuuniyeemmo dojjechi yaabittinoona doyechina' o ikke shuunoon boono ciinnitoyee gubbi dabbimmon boono shuunemmoch woyee qaawi danemmoch giibeeti yawoone.
- ◆ Ihaatiyee echeena' o

## Doyaa dojje gooroch dano hakkimmi iriteena' o

Ubbe doyaa dojje shafiroon moo' iibeeti baribare iriteena' o daneheete. Doyaa dojje shafirooch woddii' i danebeeti iriteena' o daggoochee doyechina' o eenona goomiyee qayo, doyechina' o ikkikke doyee shaheena' ona niyee mucco, ikkikke animee shafiroonaa miixiibeeti qoceena' ona tookkii yeshetona shaggiibeeti iriteena' o dab tunemmona TMN doyaa dojje shuunoochi wotta hiniyee deshi sheqqeeti iriteena' o giddo hakkiyeete.

- ◆ TMNna harichiyoo daammiti dojjechi beemi qayo
- ◆ Bede bekkoonaa mashaamiti kotoona beeti doyee kuchi beemi qayo
- ◆ Bare TMNnee guudoona kooreeti dege kooriceena' o beemi qayo
- ◆ TMN bi qelloona ceeno bi tunetaana, ikkikke gooroch kitaamitoochi yibbaateebeti noonoon kerimmi malleteena' och beemi qayo
- ◆ TMNnee doyoochi icheebeeti doyee kaallo giishecho tuno
- ◆ Ikkikke doyechina' o wohi xaa'oochee sha'ee waabeeto boono tunoona, areddoonaa kimoochee echee iriteena' o dano hakkiyeete.

## Guuphi kocci hinnoona shuunee toommooch heechiyoona

Waayo hakkaani doyechina' o qaaree noonoo yibbaatebeeti iibaariyee daggooch beetina' one. wodde gooroon waayo hakkaani doyechina' o doyiibeeti doyee kexooch TMNna dojjiibeeti dojjechina' o woyee harichiyechi TMNnee biichechina' o beeti doyee kexina' o aalleena' one. Ebi tunoona TMNna dojjiibeeti doyee kexina' o qaaweeti wottoon boono aalli qoodooch TMNna dojjiibeeti doyee kexina' ooch doyiibeeti waayo hakkaani doyechina' o wohi xaa'ooche sha'ee waabeetina' one. ebi tunoonoo ikke kimee maac 20yee deche doyechina' o beemo hakkiyeete. Ebichi qoodooch:

- ◆ Guupho koccebeeti gooroch bari bare guuphina' on koco hakkiyemmoch guuphi naayin' on keemoyee beshiyee qayo.

- ◆ Doyee qannayee sheeroo ubbe doyee sheeroon bi dabbemmo tunegaata guuphi kocci goora waayo hakkaani doyechina’o qaaree noonoon waayeebeeti doyechina’ona tookki boono woddittinoommona tato boono qoodiyemmoch tuniyoo.
- ◆ Bareena’oyee gaawe mallette noonee iiqqechi doyechon guuphi wulloo tunii’i bareena’on bi ihaatiyemmoch tuniyoo.
- ◆ Guuphi biriyoona ihaatiyoo giddebeeti goorooch ubbe doyechina’o boono shuuraaremmoch kuphiyoo.
- ◆ Guuphi ihaatiyee daacho doyechina’och bi giddebeeti goorooch giisheche doyechina’o baach bekkebeeto tuniyaachemmoch ubbichona tate malloon imona shuuraariyoo.

## Dojje degee qiiceena’o

Damba sheqqeetoommon TMN ciinni toommooch kocceto bi tunoona biriyooyee beshoon shuunee toommooch degehe. Ebi tunoona TMNnoon dojjooch shaahechi qiico getteebeeto TMNna doyiti iibbeena’on iibbiyoonane. Ebiyee daakkoona TMNnoon dojje goorooch doyaa dojje sheeroon deggiyeete getteebeeti degee qiiceena’o dabbimmina’one.

- ◆ Viidiyee kaachiyoo
- ◆ Bari bare filimeena’onaa diraameena’ona( waayo hakkaaneena’ona shuuneeto gaata kaacche)
- ◆ Kompiitero (doyee kechi ICTin gaacho hakkehe)
- ◆ Fillip chariteena’o
- ◆ Bari bare shicheena’o
- ◆ Kaariteena’o dab...

## Kuphiyoo

kuphiyoo no iyaabeeto doyechina’o boono echeeti echeena’ochi michiiti wochoon boono wochimmona; icheti guuphi shuunoon; yeshoonaa qelli shuuneena’onon gaawuchii boono shuunemmona magi shuuneena’onaa kuchi shuuneena’onon tate gommona shuunee boono giddiimmona dab qaaree kuphiyoochee tiijji’i bari bare wojjeena’on imooch beddaahaa kiceehe. Kimee maaci dojjechona giddebeeti qaaree kuphiyoo doyechina’o gubbich besho boono shuunemmoch dego bi tuno arichetone. Bare kuphiyeena’o boono qaawiyoommona qachi doyee yaaphooch woyee doyee nati ciirooch doyechina’och icho hakkiyeete.

## Daachee immi yawo

Dojjechina’o boono doyechina’och daachoon gooroona arichiyoona qoyitoon immi wuttoo boonoshich beete. Dojjechina’o boono kichiibeeti phiree maggittinoona doyechina’on yeelliibeeti yibbaatoona aricho boonoshin qaawiyaaache. Dojjechina’o gaacho boono hakkimmi qaaree kuphiyeena’o daggoochee phixxillaasho, phixxaasho, phixxo, gaaweto, ebina dabbib dab tunemmona ebiyee sheexoona hini biichi giyaano, neeni dojjoyee xaqqoon dojjoo xaqqee toommoochi aachi ukkoone, yeexeroo, niyaallo iibee doyechina’och mulloon wuxoo qaawiyaaache.

## Yaferee biroon gaachee sheeroo

Aagete toommoochi danebeeti ubbee mallette nooneena’ona yaferee biroon gaacho doyeeto tunemmona gaachee yawo kishoon gogee ciinoochi tuniyoona shemiyoo bi hakkimmi afaafinoona qaaweeti moochi shigoon kooroonane. Yaferee bireena’o mallette noonee qeppeena’one. Tunebaani, ubbee shal-

ligoonaa niyoona yaferee biroona kereehe geto toonoone. Yaferee bireena' o keribeeto shigaalli xaa' oona ashi shigeena' on, gejjee, aachi, katemee, baaharee shigeena' on ikkikke kubbinnaa kechi cooxina' och dab shigooniye. Yaferee bireena' on kooree maaci no gaachemmona yaferee bireena' o boono tunoon bariyooch ikkikke biree daggooch hoyee (-) malletoon gaacho qaawiihe. Shaahiyooch Raasi daasheeni geppoo geto no qaawimmina, "Raasi daasheeni" iibeeti mihee shuyoon kerimmi malletoo aalli qoodooch R-a-a-s-i- d-a-a-s-h-e-e-n-i iyaa no koorimmona yaferee biroona bi keriyoon digeno qaawiihe.

## Minnaa kannee kocci yawo

Doyechi kooricee maacoochi baribare doyicheena' o beeteete. Ebi doyicheena' o daggoochee ikkoo doyechina' o minnaa kannoon boono koccemmochi tuniibeeti kuxone. Shijjoochee kotti' i waayo hakkaani doyechina' o tate kocci sheeroon quyeti kafinoonee minnaa kannoon kocci qayo hakkiyeete. Hini doyicheena' ochi gaboo waayo hakkaani doyechina' o TMNna boono biriibeeti shalligeena' on kooroona aabichi boono biriyeemmo gaata herechiyoochiye. Ebi tunoona kafinoonee kocci sheeroyee beshoon minnaa kanneena' ochi malleteena' chi biriye toommoochi gaawichii ciinona kuphiibit.

## Gimee shemmeshee echeena' o

Doyechi kooricooch ubbee haareena' ooch gimee shemmeshee echeena' o giddeteete. Gimee shemmeshee echeena' och gaboo doyechina' o haarooch boonoshich beeti ariyoon boono goommemmonaa kimee maaci tate shuuraaron boono geddemmoch kuphiyoochiye. Ebi tunoona hakkeegaata ubbee doyechina' o shuuraaremoch malloon imona dojje yawoon doyechon daggiito tunnibit.

## Qoppo

Ikkikke doyee kaalloyee gubbi dojjechina' o boono doyechina' on qoppo boonoshin qaawiihe. Doyechina' on qoppoyich boono gaacheebeeti yaweena' o daggoochee kuxiyaani goomiyoo no iibeetone. Kuxiyaani goomiyoo dojjechina' o boono doyechina' on goorigooroona qoppoona tate daachoon yechiyooch hakkiyoyee daakkoona boono doyechina' och TMNnee iiqqee tate qiho beeyemmoch deggiye. Ebi tunoona dojjechina' o tate qoppee yaweena' on qannayoona boono doyechina' on goori gooroona qoppoo quyeeeto tuneechaa hiniyee deshi sheqqeeti qoppee yaweena' on shuunee toommooch boono heechiyemmoch boyeehe.

- ◆ Kimee shuuraaron
- ◆ Diraamoona/kaayona tate wocho boono beshiyoonaa tate TMN malletoon boono gaachoon
- ◆ Giddeti shemmesheena' onaa biriyeena' on boono yechiti shalligoon boono digenoon
- ◆ Malleteena' on tatoona boono sheqqoon
- ◆ TMNnee hinnoon boono gaachoon
- ◆ Guuphi, yeshoonaa qelli shuuneena' o toommooch kuphe shuuraaro boono gedon
- ◆ Maginaa kuchi shuuneena' on gooroona boono shuunoon goomoo boonoshin qaawiihe

## Qoppee yaweena' o

Mallette echeena' ona( qaaree noonona qaaree echeena' o no iyaabeetina,o)

- ◆ Shalligiyaani herecheena' o
- ◆ Guuphi shuunoo
- ◆ Magi shuunoo

- ◆ Kuchi shuunoo
- ◆ Doyee yaaphee phiro
- ◆ Ciiree phireena'o

### **Doyee kaallee meeto**

Wodde kaalloon waayo hakkaani doychina'o doyiibeeti doyee kexina'ooch guttinnee saayikilee (5chee 8nnee kimlooch) doyee kuxina'ooch TMN icheti doyee ,aallee meeto wodde kaalloon shabaattoochee gutte doyee kaalloone. Ebin shalligee maaci gedona:

- ◆ Ikkikke haaroo 8 doyee kaalloon bi yechimmona ikkikke doyee kaallo wotta 45 daqiiqoon yechiye.

# Haaroo Ikkoo

## Halloon Worgano

### Hini haarooche quyeebeeti daacheena'o

#### Doyechina'o hini haaree ciirooch:

- » Hallee amittinnoon Toppiyee mallette noonona (TMN) biriheete.
- » Hallee amittinnoon TMNna iihateheete.
- » Toppiyee daggooch daneebeeti hallee xaa'eena'on sheqqeheete.
- » Hallee toommooch giddeti shemmesheon shemmeechi inde mooyina'on TMNna biriheete.
- » Halloon worganoona tookkii yesho beeti malleteena'on gaachoonaa mallette noonee kocoona minnaa kannoon kocciyeete
- » Halloon worganoona tookkii yesho beeti malleteena'on sheqqeheete

### Dojje qiceena'o

Hini haaron dojjooch dojjechina'o kaaritteena'on, footogiraafeena'on (shicheena'on), koo-reena'on ariyechi TMN qoppechina'on gaacho boonoshin qaawiihe.

### Doyee kuxo ikkoo: inde malleteena'o

Hin doyee kuxo doyechina'o halloo worganoona yesho beeti malleteena'on boono herecheem-mone. Hini doyee kuxoochaa doyechina'o haaroo ikkoochi giddeti malleteena'ona bare boono

ariibeeti hallee qayee xaa'eena'ona hallee daneena'onon biriibeeti malleteena'on boono herecheemmoch tuniibit. Malleteena'on boono bekkii-beeti goorooch malletooch kishee qecoon, kishee made kaattoon, kishee qecoo kashemmi xaa'oon, kishee shuuraaron, aafoonaa ashittinee shuuraareena'onon gaawich dabbibit.

### Doyee kuxo guttoo: ello (ciino)

Gimee shemmeshee echeena'ona doyechina'o hallooch boonoshich beeti ariyoon goombit. Gimee shemmeshe echeena'och wochoo shemmeshee daggoonaa baribare haaree kuxooch boono giddeti qoodooch doyechina'o boono ariibeetona boonoshich shaahiton boono wochemmoch kupphiibit.

Woriganikkimmi halleena'och giddeti baribare shemmesheena'on gogoona boono shemmemmonaa giddeti echeena'on doyechina'o MNna boono wochemmoch kupphiibit.

### Doyichoo ikkoochee quyeebeeti wocheena'o

1. Shemmeshe daggooch sheqqeeti aachi qeppeena'o awuddeenao tunemmona boonoshiyoo xaani gejjo, abbaay aaco, hawaasi gejjoonaa gefersi gejjoonane.
2. Abbaayi aaconaa xaani gejjoona Toppiyee daggooch amaaree worafooch daneheete.
3. Raas daasheen geppooch beeti cooxina'o cilaadee sheexo, ceelle boqqello, waaliyoo, maahoo, gaddi kuro... dab.
4. Qaabi Toppiyee daggooch daneebeeti halleena'och worganikkimina'o hawaasi gejjoona xiyi becheeti xaqqeena'one.



5. Afaaree woraafooch aageton worganikkiti qaaqqee baaharo "Ertale" getteehe.
6. Raas daashen geppoo topphiye daggooch amaaree woraafooch danehe.

### **Doyichoo guttochee quyeebeet wocheena'o**

1. Yaferee biro kooroona bi keriyemo biree daggooch hoyo (-) gedonane.

#### **Shaahiyoo:**

- ◆ Ta k-a-b-b-a-d-i getteehe.
  - ◆ Ta manoo besheti natooba R-a-a-s-i d-a-a-s-h-e-e-n geppoon qayete.
2. Mallette noonoonaa amaari noonona daggooch beeti baribarittino mallette noonoo kishee, aafe woyee ashittine shuurarikkoonaa bireeche amaari noonoo wotta dittoonaa bireeche.
  3. Mallette noonoonaa amaari noonona shaheebeti mooyo guttiyona boono qelli minnaakanne kocci sheerechina'one. baroo no qaawiti mooyina'on biriyooch no gaachaabeetina'one.
  4. Mallette noonoonaa ubbe mallette kuxina'o (parameters) biishee irtoon deewo hakkiyeete. Shaahiyooch indee immi malletoona nihoo immi malletoona daggooch beeti baribarittino kishee qecoo kotemi xaa'one. (nihoo immi malletoon shuunooch kishee qecoo kashemo barooch tunemmona indee immi malletoon bekkiiyooch kishee qecoo kashemo gaxoochiye).

### **Doyichoo keemooche quyeebeeti wocheena'o**

Dojjecho ebi echeti doyichee toommooch doye-china'o boonoshich echeti malleteena'on kerimi miheena'on gaachoonaa boono qelli minnakanno boono koccemmoch kuphiiba.

### **Doyichoo awuddooche quyeebeeti wocheena'o**

#### **1. Geppoo**

Kishee qecoo:-

Gutte kishoona S hina G

Kishee madee kaattoo:-

Yoocha

Kishee qecoo kashemi xaa'oo Gogee ciinooch

Kishee shuuraaro:-

Qanne S kishoona yooche S kishee gubboon yexxi gutte kishoon kaama yaggoona "G" hin shuuno

Ashittine woyee aafe shuuraaro:-

Aafo yooche badda damba ciinniye

#### **2. Gejjo**

Kishee qecoo:-

Qanne kishoona '5' yooche kishoona /G'

Kishee madee kaattoo:-

Yoochoo qanne badd qannoo desh waan.

Kishee qecoo kashemi xaa'oo:-

Maacee ciinooch

Kishee shuuraaro:-

Yooche kishoon ga,oonaa qeejjii yooche kishee yafereena'on yooppiibee malletiye yaferee waana yooche kishee madoon yesho

Ashittine woyee aafe shuuraaro:-

Aalla

#### **3. Waaliyoo**

Kishee qecoo:-

Gutte kishoona /W''

Kishee madee kaattoo:-

Maac waan

Kishee qecoo kashemi xaa'oo :-

Gutte kishoonona qelli toommooch

Kishee shuuraaro:-

Qelli toommooche tiijjii damba waan tuniyoona giishecho gubb waan tuniyoo.

Ashittine woyee aafe shuuraaro:-

Aalla

**4. Boqqello**

Kishee qecoo:-  
 Ikke kishoona “/S”  
 Kishee madee kaattoo:-  
 Maach  
 Kishee qecoo kashemi xaa’oo:-  
 Muddee toommooch  
 Kishee shuuraaro:-  
 Muddoon inde yaferoona malletiyee yaferee dag-  
 gooch geddii guudiyoo  
 Ashittine woyee aafe shuuraaro:-  
 Aalla

**5. Hoonoo**

Kishee qecoo:-  
 Gutte kishoona /G  
 Kishee madee kaattoo:-  
 Qanneecho qanne baddi yoocheecho yooche baddi  
 Kishee qecoo kashemi xaa’oo:-  
 Maacee ciinooch  
 Kishee shuuraaro:-  
 gutte /G hi kishoon guuppi’i oppee malletoon  
 shuuno  
 Ashittine woyee aafe shuuraaro:-  
 Aalla

**6. Qaaqqee xuupho**

Kishee qecoo:-  
 Gutte kishoona “0” na ”5”  
 Kishee madee kaattoo:-  
 Kaama waan  
 Kishee qecoo kashemi xaa’oo:-  
 Aafee ciinooch  
 Kishee shuuraaro:-  
 Gutte kishoon guuppi’i “0”n shuunoona kaama  
 wochi’i madoon maac wochoona “5” n shuuno

Ashittine woyee aafe shuuraaro:-

Gaakko manjiye

**7. Deseeto**

Kishee qecoo:-  
 Gutte kishoona “/D”  
 Kishee madee kaattoo:-  
 Kaama  
 Kishee qecoo kashemi xaa’oo:-  
 Maacee ciinooch  
 Kishee shuuraaro:-  
 Gutte hi kishoona’ on maace ciinooch tuniyoona  
 kishoon yaggoona maaco waan gutte kishoona  
 guudo shuuno  
 Ashittine woyee aafe shuuraaro:-  
 Aalla

**8. Gaddo**

Kishee qecoo:-  
 Gutte kishoona “ᠠ” na “ᠡ”  
 Kishee madee kaattoo:-  
 Dugilla  
 Kishee qecoo kashemi xaa’oo:-  
 Getee ciinooch  
 Kishee shuuraaro:-  
 Qanne “ᠠ” kishoona yooche “ᠡ” kishoon gub-  
 boona yexxii Yaggoo( ᠠ n shuuno)  
 Ashittine woyee aafe shuuraaro:-  
 Aalla

**9. Sheexxo**

Kishee qecoo:-  
 Gutte kishoona  
 Kishee madee kaattoo:-  
 Maaci  
 Kishee qecoo kashemi xaa’oo:-  
 Getee toommooch

Kishee shuuraaro:-

Shaddi shaddii getee xoobo

Ashittine woyee aafe shuuraaro:-

Eciyon dambee noonee irijjee maac gedona dambee noonoon aaf geechoo

### **Doyee kuxo awuddo shemmee digeno**

Hini doyee kuxona doyechina'o boonoshich giddeeti shemmeeshoon tatoona boono shemmoon ciinit. Ittiyoo doyechina'o tatoona boono shemmemmoch dego imbit.

### **Doyichoo uuchoo guuphi ihaateyoo**

Doyechina'o shemmeeshoochee boono danetonaa tatoonee ii'i boono digeneton guuphi ihaateyoo giddiyoo hakkiyeete. Ebichi goorooch tate mallette noonoon boono gaachoonaa tate wocho boono beshiyoon qayebit.

# Haaroo Guttoo

## Kechi Ashi Yamoo

### Hini haaroochee quyeebeeti daacheena'o

#### Doyechina'o hini doyee ciirooch:

- » Kechi ashii yamee biishoonaa inde shalligoonon TMN na biriiheete
- » Kechi ashii yamoo qelloona tuneba showee daqqoona bi immiibeeti gaacoon biriiheete
- » Kechi ashii yamoo showee dicoch beeti gaacoon sheqqeheete
- » Kechi ashii yamoon ciinnimmona tophiyee sheeroon quyee'i topheeheete
- » Kechi ashii yamee biishoonaa inde shalligoonon biriiheete
- » Kechi ashii yamee naboona shaggiibeeti indeena'onnaa nallefeena'ochi iiwittinee iriteena'on TMN na sheqqeheete
- » Kechi ashii yamoo indeena'onnaa nallefeena'ochi iiwittinoochi beeti gaacoon biriiheete
- » Kechi ashii yamoo showee diconaa uumonoch beet gaacoon ihaateheete
- » Kechi ashii yamoona yesho beeti malletteena'on gaachoonaa mallette noonee kocoona minnaa kannoon koccieete
- » Kechi ashii yamoona yesho beeti malletteena'on sheqqeheete

#### Doyee kuxo ikkoo inde malletteena'o

Hin doyee kuxo doyechina'o kechi ashii yamoona yesho beeti malletteena'on boono herecheemmone. Hini doyee kuxoochaa doyechina'o haaroo gut-

toochi giddeti malletteena'onnaa bare boono ariibeeti kechi ashii yamoon biriiibeeti malletteena'on boono herecheemmoch tuniibit. Malletteena'on boono bekkiiibeeti goorooch mallettooch kish-ee qecoon, kishee made kaattoon, kishee qecoo kashemmi xaa'oon, kishee shuuraaron, aafoonaa ashittinee shuuraareena'onon gaawich dabbibit.

### Doyee kuxo guttoo ello(ciino)

#### Gimee shemmeeshoo

Gimee shemmeeshee echeena'och doyechina'o boono ariibeeti wochoon boono immeemmoch kupphiibit. Gimee shemmeeshooch giddeti echeena'och wochoon haaroochee boono danemmi qoodooch ubbee haaron gaawich boono dabbeemmoch kupphiibit.

#### *Gimee shemmeeshee echeena'oochee quyeebeeti wocheena'o*

1. Kechi ashoo geto ikke kechi maaci beeti indee, nihoo, manoo, manee, iyoo, indee manee, manoochi bushiishoo, maneechi bushiishoo dab getone.
2. Kechi ashii yamoo geto shiijjemmi bushiishoo kechi ashii gaannoonaa indee shimo bi hakkimmi iiqqoonon goomiyooone.
3. Ikke kechi ashich beeyi beddimmi bushiishee haddoon kechi ashii gaannoonaa indee shimi iiqqoonon goomiyoo qaawiihe. Amooyich getigaata kechi ashii diggittinoon miixeebeeto bushiishee haddoo baach tuniyaanon kechi ashii gaannoonaa indeenaa shiijjeti bushiishee iiwittinoone.

4. Kechi ashoo yamoo showee dicoch ooge gaacechone naboo showoo geto kechi ashi kicee daachoone. Kechi asho yamiyoo qayigaata xure dooyo, iiwee gaaco, tateti maayo dab dano hakkiyaani qoodoochiye.

### **Doyichoo ikkoochee quyeebeeti wocheena'o**

1. Kechi ashi yamoo geto baribare qocee, hallee woyee ashi hallee xifee wokkiyee yaweenaa gaachoonaa asheena'och woyee kenaa mecho shii'I dichooch boono qaawiibeetona hakkiibeeti bushiisheena'och meeton eboommon shimoch boono qaawiibeeti gooroon kuxona ubbee kechi ashi diggittinoo quyooyich yamee hakkoo getone.
2. Aagetee iiwee koko kechi ashi yamoon bi sheqqeti gommina'och daggoochee:
  - ◆ Qaawiyaan xifoon wokkiyoonaa qaaweebeet xifoon daaggoona
  - ◆ Shimoch boono qaawiibeet bushiishee meeton kuxonaa hamaa dabboona shiijeebeeti bushiishee daggooch beeyi bede gooree baribarittinoo(eeni baribarittinoo) yamo
  - ◆ Shimoch boono qaawibeet bushiishee meeton dichoonaa gaawe daqqooch bechooch hakkiimmi iiqqoo woyee kechi ashi ikkoonoom daqqoonaa tookkii goomiyoona
  - ◆ himoch yamoonane.
3. Kicii ciinnimmona kechi ashi yamoo ciinniibeeti keejje ind inde mooyina'och
  - ◆ Indeenaa nallefeena'och iiwittinoo quyo
  - ◆ Maccee haddee dicon quyo
  - ◆ Ashittinoo qelli wuroon quyoonane.
4. Kechi ashi yamoo maccee haddee dicon quyooyich ooge gaacechone. Amooyicha getigaata kechi asho bi ikkikkoona bi kechi ashi meeton bi kuxigaata showee bi qaawaabeet maccee meeton dano hakkiyan.
5. Kechi ashi yamoo ikkeeto showoonaa kechi ashi diconoch gaacaache. Amooyich getigaata kechi ashi yamoo showee uumee yamoonaa tookkii shuuno qaawiihe.

## **Doyee kuxo keemo: yibbaato (biriyo)**

### **Doyichoo guttochee quyeebeeti wocheena'o**

1. Topphiye daggooch xifoonaa bushee shimi naboonaa yeshetona ball hume nallefeena'och kashoonaa shiibeeti indeena'och daggoochee 871na'och qitiyeete.
2. Xifoonaa shimi goorooch gennina'och qitooch bechiibeeti mooyina'och shimi gooree damo/shimoyee aafi damo woyee shimoyee gubbi shimi goonoochee woddii dame ufo, shimi gooroochee kotti'i 6ne shabaattoochi beddaahaa beeti gooree daggooch shimi goorooch biyyee kashingixeenaa miixiyoonaa xifee duuboonane.
3. Dicciibeeti showeenaa'och qitiibeeti indeena'och daggoochee balloochee 50 kishoo tunemmina'och qitiibeeto xifoonaa shimona tookkii yesheti naboonane.
4. Topphiyechi shaagoyich kechiti showee sheeroo maacheena'och kenee shaagoch boono 15 natoyee damba bi tunemmoch shalligichiye.
5. Shemmeeshoon indo tuniyoona gennina'och bushee shimi eeno 15-49 natooch beddaahaaniye.
6. Kupphe emirechonaa iiwe showaashoon daanooyich kechi ashi yamoo maccee shalligoon uumiyooch deggiye.
7. Asheena'och tunebeeta kechi asheena'och bushee shimoch boono qaawimmona battibatti ashittinoo, gaboona, tookkii beemona ikkoonoom qannee iiqqoo boonoshich beeyemmonaa boono shiibeeti bushiishee meetonaa aata shimo boono qaawiibeeto gaata kuxo boonoshin qaawiihe.
8. Indeenaa'och iiwittinoo quyee'i showeechi neexemmonaa bede showaashoon shimoch indeena'och wokkiwokii shimo, shalligiyaan xifee kichoo shagaachemmoch meeqeqo, xifoonaa xano boono xaachiibeeti goorooch tateti maayoon mamoo boonoshin qaawiihe.

## **Doyichoo keemoochee quyeebeeti wocheena'o**

Dojjecho ebi echeti doyichee toommooch doye-china'o boonoshich echeti malleteena'on kerimi miheena'on gaachoonaa boono qelli minnakanno boono koccemmoch kupphiiba.

## **Doyichoo awuddoochee quyeebeeti wocheena'o**

### **1. Xifee kichiyoo**

Kishee qecoo:-

Yooche kishoona "5" qanne kishoona dukke mal-  
letoo

Kishee madee kaattoo:-

Yoocheecho deshi qanneecho damba

Kishee qecoo kashemmi xaa'oo:-

Maacee toommooch

Kishee shuuraro:-

Qanne dukkee kishoona yooche kishee madoon  
yechi'i deshi qanna geechoochoommon tunii'i  
kindiyoo

Ashittine woyee aafee shuuraro:-

Aalla

### **2. Shimo**

Kishee qecoo:-

Gutte kishoona qodeti

Kishee madee kaattoo:-

Deshi

Kishee qecoo kashemmi xaa'oo:-

Maacee toommooch

Kishee shuuraro :-

Gutte kisheena'on xappi'i maacee toommooch  
kotiichii qanne kishoon deshi kindiyoo

Ashittine woyee aafee shuuraro:-

Aalla

## **3. Iiwittino**

Kishee qecoo:-

Gutte kishoona woyee "9"

Kishee madee kaattoo:-

Maaci

Kishee qecoo kashemmi xaa'oo:-

Gogee toommooch

Kishee shuuraro:-

Malletaabeeti yafereenaa indeche yafereena go-  
goon yechii aafi daamo

Ashittine woyee aafee shuuraro:-

Aalla

## **4. Maccoo**

Kishee qecoo:-

Gutte kishoona

Kishee madee kaattoo:-

Ciinooch

Kishee qecoo kashemmi xaa'oo:-

Getee ciinooch/getee aafi

Kishee shuuraro:-

Gutte kishoona shaddaa shaddii damba deshi  
kichii

Kindiyoo

Ashittine woyee aafee shuuraro:-

Aalla

## **5. Xifo**

Kishee qecoo:-

Gutte kishoona qodeti

Kishee madee kaattoo:-

Maaci

Kishee qecoo kashemmi xaa'oo:-

Maacee ciinooch

Kishee shuuraaro:-

Gutte kishoon maacee toommooch tunii'i tatoona aafi xu'o

Ashittine woyee aafee shuuraaro:-

Gaakko manjiye

### **6. Wushoo**

Kishee qecoo Gutte kishoona

Kishee madee kaattoo

Deshi

Kishee qecoo kashemmi xaa'oo:-

Yooche gogee ciinooch

Kishee shuuraaro:-

Gutte kishoon danii'i aafi waani xu'o

Ashittine woyee aafee shuuraaro:-

Aafo shuutehe

### **7. Damo/damoo**

Kishee qecoo:-

Gutte kishoona "5"

Kishee madee kaattoo:-

Maaci

Kishee qecoo kashemmi xaa'oo:-

Muddee toommooch

Kishee shuuraaro:-

Gutte kishoonona muddee toommooch tunii'i qanne kishoon yooche kishee gubbi waanaa yoop-piibee kindiyoo

Ashittine woyee aafee shuuraaro :-

Aalla

### **8. Biiyo**

Kishee qecoo:-

Ikke kishoona "5"

Kishee madee kaattoo:-

Yoocha

Kishee qecoo kashemmi xaa'oo:-

Naabee baree toommooch

Kishee shuuraaro:-

Daggi yaferoona naabee baroon yechii wuqqoo

Ashittine woyee aafee shuuraaro:-

Aafo cennehe

### **9. Ikkoonoomi**

Kishee qecoo:-

Yooche kishoo G qannoo wotta "E "

Kishee madee kaattoo:-

Kaama

Kishee qecoo kashemmi xaa'oo:-

Getee ciinooch/getee aafi

Kishee shuuraaro:-

Yooche G kishee madoon qanne'E' kishee gub-boona wochi wochii tappo

Ashittine woyee aafee shuuraaro:-

Aalla

### **10. Ibaariyee**

Kishee qecoo:-

Gutte kishoona woyee "9"

Kishee madee kaattoo:-

Maachi

Kishee qecoo kashemmi xaa'oo:-

Getee ciinooch/getee aaf

Kishee shuuraaro:-

Gutte "G" kishoon indeche yafereena mallette yafereena'ona yeshii'i guudiyoo

Ashittine woyee aafee shuuraaro:-

Aalla

### **Iihaatiyee echeena'o**

Doyechinao keemi keemo tune boono ihaateetoyee gubbi boono ihaatiyee inde shalligoo guuphi wullee indittinoona kimee doyicheena'och TMNna boono giddiyemmoch tuniibit.

# Haaroo Keemo

## Qoopphi Qoco

### Hini haaroochee quyeebeeti daacheena’o

#### Doyechina’o hini doyyee gubbi:

- » Qoopphi qocee amittinon TMNna biriiheete
- » Qoopphi qoco amoyich bi qaawiibeeto gaata biriiheete
- » Qoopphi qocee gaacoon TMNna biriiheete
- » Amoon qooppho boonoshin qaawiibeto gaata sheqqeheete eboommoni qoopphi shaaheena’o baribariiheete
- » Qooppho ikke ashich, kechi ashich eboommon showee dicoch bi immiibeeti gaacoon sheqqeheete
- » Qoopphi qocoona tookkii yesho beeti malleteena’o gaachoon mallette noonee kocoona minnaa kanno kocchiyeete
- » Qoopphi qocoona tookkii yesho beeti malleteena’o sheqqeheete

### Doyee kuxo ikkoo inde malleteena’o

Hin doyyee kuxo doyyechina’o qoopphi qocoona yesho beeti malleteena’o boono herecheem-mone. Hini doyyee kuxoochaa doyyechina’o haaroo keemoochi giddeti malleteena’o naa bare boono ariibeeti qoophon biriiibeeti malleteena’o boono herecheemmoch tuniibit. Malleteena’o boono bekiibeeti goorooch malletooch kishee qecoon, kishee made kaatoon, kishee qecoo kashemmi

xaa’oon, kishee shuuraaron, aafonaa ashittinee shuuraareena’o non gaawich dabbibit.

### Doyee kuxo guttoo ello(ciino)

Gimee shemmeshee echeena’och wochoo shemmeshee maaci bi daneebeeti qoodonaa doyyechina’o doyyee kuxona boono wochemmi qoodooch gimee shemmeshee echeena’och boono ariibeetona boonoshich shaahimmi wochoon boono wochemmoch kuphiibit.

### Doyichoo ikkoochee quyeebeeti wocheena’o

1. Gijjee qooppho andire beemi yawoone no gettemmi naboo gijjoon qoopphiibeeti asho koninona iritiyaanon bi qaawiti goorooch bi qoopphiti gijjoona bi qaawiton halloo bi hakinmonane.

Andire qoopphi yawee kupphe ga’ena’o

- ◆ Gijjoon no qaawiti goorooch kotiyoo hakkeeh
- ◆ Gijjoon no qaawiti goorooch no qaawiti xaa’ooch daachiyoo hakkeeh
- ◆ Shimo daniih
- ◆ Gaayoona gaacho hakkaache

Qocee qoopphi yawee kupphe ga’ena’o

- ◆ Maccee tookki beemi yeshoon kuphiih
- ◆ Ayinoonaa emiree goorooch degiyooch hakkihe
- ◆ Maccee qocon kuphiih
- ◆ Maccee iriteena’o ihaatiyoona biishoch hakkiih



Andire qoopphi yawee nire ga'eena'o

- ◆ Wodde nire ga'o aallone
- ◆ No qaawiti goorooch gijjoon kotiyoo hakkiyaache
- ◆ No qaawiti goorooch no kotiitoochee kichii gaacho hakkaachon

Qocee qoopphi yawee nire ga'eena'o

- ◆ Gaayoona gaacho hakkiye
  - ◆ Shimo daniyaache
  - ◆ No kotiitoochee no qaawiti xaa'ooch daachiyoo hakkaachon
2. Qocee qoopphi shaaheena'o getteebeetina'o iddiroona uqquboonane
  3. Doyechina'o boono gooroon, sheeree tahoona, komadoon, komadee kojjoon dab qooppho hakkiyeete.
  4. Ariyecho giisheche aahe ooge m,aribeboon qoxxahane bi iito gishiishe woxxeena'o kechi ashi gamiyoon miixiyeete; daakkoona gishiish woxxeena'o gijjee shacoch bechiyeete getochiye.

## Doyee kuxo keemo yibbaato (biriyo)

### Doyichoo guttochee quyebeeti wocheena'o

Dojjecho ebi echeti doyichee toommooch doyechina'o boonoshich echeti malleteena'on kerimi miheena'on gaachona boono qelli minnakanno boono koccemmoch kuphiiba.

### Doyichoo keemoochee quyebeeti wocheena'o

1. C
2. E
3. B
4. D
5. A

### Doyichoo awuddoochee quyebeeti wocheena'o

#### 1. Taatoo

Kishee qecoo:-

Ikke kishoona woddiyaanon qodeti "5"

Kishee madee kaattoo:-

dugilla

Kishee qecoo kashemmi xaa'oo:-

Mallooch woyee qelli toommooch

Kishee shuuraaro:-

Qodeti "5" haddee yafereena'on daggi mallee toommooch kotiyoo

Ashittine woyee aafee shuuraaro:-

Aalla

#### 2. kke asho

Kishee qecoo Ikke kishoona woyee "9"

Kishee madee kaattoo:-

dugilla

Kishee qecoo kashemmi xaa'oo:-

Gogee toommooch

Kishee shuuraaro:-

Malletaabeetinaa indeche yafere cilloona no gogee caappoon yesho

Ashittine woyee aafee shuuraaro:-

Aalla

#### 3. Deگو

Kishee qecoo:-

Qanne kishoo "A" yooche kishoo wotaa

Kishee madee kaattoo:-

Qannoo yoochi waani yoochoo wotta damba

Kishee qecoo kashemmi xaa'oo:-

Getee ciinooch

Kishee shuuraaro:-

Qanne “A” kishoon yooche kishee made toom-mooch kotii’i ikkooch kaama tiijjoo

Ashittine woyee aafee shuuraaro:-

Aalla

#### 4. *Daachiyoo*

Kishee qecoo:-

Qanneecho qodeti yoocheecho wotta

Kishee madee kaattoo:-

Gutte kisheechona deshi

Kishee qecoo kashemmi xaa’oo:-

Yooche gogoyee damba

Kishee shuuraaro:-

Qanne kishee yafereena’ on yooche kishee gubbee toommooch tunii’i kaama yaggoo

Ashittine woyee aafee shuuraaro:-

Aalla

#### 5. *Gaanno*

Kishee qecoo:-

Gutte kishoona woddiyaanoon qodeti “5”

Kishee madee kaattoo:-

Gutte kisheechona kaama

Kishee qecoo kashemmi xaa’oo:-

Getee ciinooch

Kishee shuuraaro:-

Qannee “5” haddee kishoon yooc he kishee made toommooch tunii’i kaama yaggoo

Ashittine woyee aafee shuuraaro:-

Aalla

#### 6. *Gijjoo*

Kishee qecoo:-

Gutte kishoona

Kishee madee kaattoo:-

Gutte kisheechona kaama

Kishee qecoo kashemmi xaa’oo:-

Yooche kishee made toommooch

Kishee shuuraaro:-

Yooche :-

kishee madoon qanne kishee gubboona wochi wochi tappo

Ashittine woyee aafee shuuraaro:-

Aalla

#### 7. *Ixoo*

Kishee qecoo:-

Gutte kishoona wuqqeeti

Kishee madee kaattoo:-

Gutte kisheechona kaama

Kishee qecoo kashemmi xaa’oo:-

Getee ciinooch

Kishee shuuraaro:-

Gutte wuqqeeti kishee giishi yaferee waanaa xaaqqi’i guudiyoo

Ashittine woyee aafee shuuraaro:-

Aalla

#### 8. *Gaayo*

Kishee qecoo:-

Qanne kishoona “2”

Kishee madee kaattoo:-

Maaci

Kishee qecoo kashemmi xaa’oo:-

Yooche kishee hillee toommooch

Kishee shuuraaro:-

Qanne “2” kishoon yooche kishee hillee toom-mooch tuniyoona qanne baddi geechii wuqqoo

Ashittine woyee aafee shuuraaro:-

Aalla

## 9. *Shimo*

Shimo geto baankee kexooch koteti gijjee toom-mooch baankee kexo immiibeeti daakkee tunoona gijjoonaa daakkoo iibeeti gutte malleteena'on gaacho qaawiihe.

## 10. *Gamiyoo*

Kishee qecoo:-

Qanne kishoona woddiyaanoon wuqqeeti "5"

Kishee madee kaattoo:-

Maaci

Kishee qecoo kashemmi xaa'oo:-

Yooche shoopphee maaci/yooche naabee toom-mooch Kishee shuuraaro:-

Woddiyaanoon wuqqeeti qanne kishoon yooche kishee shoopphee maaci gijjoo

Ashittine woyee aafee shuuraaro:-

Aalla

## **Doyichoo uuchoochee quyeebeeti wocheena'o**

Doyechina'o baribare kocechi mallette noonee minnaa kanno shuuno hakkiyeete. Hiniyee deshi icheti wocheena'o dego tuneheete getaa gibenee-he.

### 1. *De'o*

Efreem iibboon deqqiye. ( ebiich iibbiyoo iibeeti malletoon gaacho hakkeehe.

Toli bi manoo wocheti gijjoon deqqite. (ebiichaa daamo iibeeti malletoon gaacho hakkeehe.

### 2. *Kichoo*

Gijjoon nabaallo kichoo gaaweto toonoone. ( ebiichaa shaco immi malletoon gaacho hakkeehe.

Moo'iibeeti doyechina'on barii kichoo noon qaawiihe. (ebiichaa keyo immi malletoon gaacho qaawiihe.

### 3. *Shimo*

Ta iyoo bushoo yongi shimoone. ( ebiich wotaad-dero iibbeti malletoon gaacho hakkeehe.

Baankee kexooch koteti gijjoo shimo daniiehe. (ebiich daakkoo immi malletoon gaacho hakkeehe.

## 4. *Aallo*

Wodde gurimaasheena'o showoochee aalle'i bare showooch hammiyeete. (hiniichaa gooyo immi malletoon gaacho hakkeehe)

Hiddaassee gofo ciimmona bekke aalle iritoo ket-temmone. (hinnichaa bekko tahite immi malletoon gaacho hakkeehe)

## 5. *Kotiyoo*

Gijjee kotiyoo gaawetone. (hiniichaa qoopho immi malletoon gaacho hakkeehe)

Doyee komadoonaa kooricoonon gaawe xaa'ooch kotiyoo qaawiihe. ( hinnichaa koto immi malletoon gaacho hakkeehe)

## **Doyichoo shirittochee quyeebeeti wocheena'o**

Doyechina'o baribare gommona kannoon woddi-yoo hakkiyeete. Hiniyee deshi icheti wocheena'o dego tuneheete getaa gibeneehe.

### 1. *De'go*

Deggiye (biinnaa dego immi malleteena'on shuuno), deggahan (areenaa dego immi maleeteena'on shuuno), deggecho (dego iibeetonaa ashigee woyee ciichee mallettena'on shuuno), deggiyeete (boonoshinaa dego immi malleteena'on shuuno), deggemmine (aree, gubbinaa dego immi malleteena'on shuuno), deggemmina'one (boonoshi, gubbinaa dego immi

malleteena'on wochi wochii shuuno), deggemmonoone (no, gubbinaa dego immi malleteena'on wochi wochii shuuno)

### 2. *De'o*

Deqqiye (biinnaa de'o immi malleteena'on shuuno), deqqahan (areenaa de'o immi maleeteena'on shuuno), deqqeche (de'o iibeetonaa ashigee woyee ciichee mallettena'on shuuno), deqqiyeete (boonoshinaa de'o immi malleteena'on shuuno), deqqemmine (aree, gubbinaa dego immi malleteena'on shuuno), deqqemmina'one (boonoshi, gubbinaa de'o immi malleteena'on wochi wochii shuuno), deqqemmonoone (no, gubbinaa dego immi malleteena'on wochi wochii shuuno)

**3. Kemo**

kemehe (biinnaa kemo immi malleteena'on shuuno), kemahan (areenaa kemo immi maleeteena'on shuuno), kemecho (kemo iibeetonaa ashigee woyee ciichee mallettena'on shuuno), kemeheete (boonoshinaa kemo immi malleteena'on shuuno), kememmine (aree, gubbinaa kemo immi malleteena'on shuuno), kememmina'one (boonoshi, gubbinaa kemo immi malleteena'on wochi wochii shuuno), kememmonoone (no, gubbinaa kemo immi malleteena'on wochi wochii shuuno)

**4. Kemo**

kemmiye (biinnaa kemo immi malleteena'on shuuno), kemmahan (areenaa kemo immi maleeteena'on shuuno), kemmecho (kemo iibeetonaa ashigee woyee ciichee mallettena'on shuuno), kemmiyeete (boonoshinaa kemo immi malleteena'on shuuno), kemmemmine (aree, gubbinaa kemo immi malleteena'on shuuno), kemmemmina'one (boonoshi, gubbinaa kemo immi malleteena'on wochi wochii shuuno), kemmemmonoone (no, gubbinaa kemo immi malleteena'on wochi wochii shuuno)

**5. Deewo**

deewiye (biinnaa deewo immi malleteena'on shuuno), deewahan (areenaa deewo immi maleeteena'on shuuno), deewecho (deewo iibeetonaa ashigee woyee ciichee mallettena'on shuuno), deewiyeete (boonoshinaa deewo immi malleteena'on shuuno), ddewemmine (aree, gubbinaa deewo immi malleteena'on shuuno), deewemmina'one (boonoshi, gubbinaa deewo immi malleteena'on wochi wochii shuuno), deewemmonoone (no, gubbinaa deewo immi malleteena'on wochi wochii shuuno)

# Haaroo Awuddo

## Nallefeena'ochi Wureena'o

### Hini haarochee quyeebeeti daacheena'o

#### Doyechina'o hini dayoyee gubbi

- » Nallefeena'ochi wuree amittinon TMNna biriibeete
- » Nallefeena'ochi wureena'o quiyoo immiibeeti gaacoon sheqqeete
- » Nallefeena'ochi wureena'on biriibeet taatee sheeree mokaasheena'on sheqqeete
- » Nallefeena'ochi wuroon ciinnimmona kaayina'on giddiyeemmo ittoshine
- » Nallefeena'ochi wureena'ona tookkii yesho beeti malleteena'on gaachona malletee noonee kocoona minnaa kanno kociyeete
- » Nallefeena'ochi wureena'ona tookkii yesho beeti malleteena'on sheqqeete

### Doyee kuxo ikkoo inde malleteena'o

Hin doyee kuxo doyechina'o nallefeena'ochi wureena'ona yesho beeti malleteena'on boono herecheemmone. Hini doyee kuxoochaa doyechina'o haaroo awuddoochi giddeti malleteena'onaa bare boono ariibeeti nallefeena'ochi wuroon biriibeeti malleteena'on boono herecheemmoch tuniibit. Malleteena'on boono bekkibeeti goorooch malletooch kishee qecoon, kishee made kaatoon, kishee qecoo kashemmi xaa'oon, kishee shuuraaron, aafoona ashittinee shuuraareena'onon gaawich dabbibit.

### Doyee kuxo guttoo: ello (ciino)

#### Doyichoo ikkoochee quyeebeeti wocheena'o

Doyechi kooricee maaci giddeti nallefeena'ochi wureena'on biriibeeti shemmeeshoon gogoona shemmeree doyechi kooricoochi giddeti echeena'on TMN na boono wochemmoch kupphiibit.

1. Nallefeena'o doyee, yibbaatee, kooree, xaa'oochee xaa,ooch shuraaree, shiijjee deci koberiyee belleetoon danee wurechina'one.
2. Nallefeena'ochi inde wureena'o getteebeetina'o ashittinee miixoo boono toommooch shagaachemmoch quiyoo, boono kechi ashoo-na danee wuroonaa doyee wuroonane.
3. Nallefeena'ochi wuree quiyoo boono shochiyaachemmoch, boono giidoo qaawiyaanon bi duubiyaachemmoch, iritaalloon boono doyem-moch, bedoonaa showeechi neexemmi showaashoon boono tunemmochi hakkiihe.
4. Shemmeshee daggooch sheqqeeti nallefeena'o boono shalligoon biriyoo boono hakkemmi gommina'o yibbaatoo, kooroonaa shichoonane.
5. 18 natoyee dechi beeti nallefeena'o.
6. Nallefeena'o boono wureena'oyee daakkoona shiitina'on oogiyee, doyee kechi maaci dojjechina'on oogiyee, doyee goorooch doyee kuxooch danee, doyee qiiceena'on gaawichii yechi wuttechina'one.
7. Shemmeshooch sheqqeeti nallefeena'och wureena'oyee daakkoona waayo hakkaani nallefeena'o malletee noonona mashaamee malletee noonona doyee malletee noonee biichechina'on danee wurechina'one.

**Doyichoo guttooshee quyeebeeti wocheena'o**

Hini dooyee kuxona dooyechina'o uuche guuphona qoodeeree boono ihaatiyemmooh tuniibit. Guuphi ihaatiyee goora ubbe dooyechina'o tato boono shuuraaremmooh tuniibit. dabboonoo boono guuphi wulleena'ona boono ihaatiyee inde shalligoon kimee dooyechina'och boono gididiyemmooh tuniibit. Ebi hinnoona malleteena'on gaachoonaa ihaatiyee shimbeena'o dooyechina'och bireto tunoon gaawuchi ciinit.

**Kuxo keemo: yibbaato (biriyo)**

Dojjecho ebi echeti doyichee toommooch dooyechina'o boonoshich echeti malleteena'on kerimi miheena'on gaachoonaa boono qelli minnakanno boono koccemmooh kupphiiba.

**Doyichoo awuddoooshee quyeebeeti wocheena'o****1. Xuuxiyoo**

Kishee qecoo:-

Qanne kishoo dukkee malletoo yoocheecho wotta

Kishee madee kaattoo:-

Qanneecho damba yoocheecho deshi

Kishee qecoo kashemmi xaa'oo:-

Getee ciinooch/ getee aafi

Kishee shuuraaro:-

Qanne dukkee kishee yafereena'on yooche kishee madoona dechi mito

Ashittine woyee aafee shuuraaro:-

Aafo kushehe

**2. Animoo**

Kishee qecoo:-

Ikke kishoona

Kishee madee kaattoo:-

Maachi

Kishee qecoo kashemmi xaa'oo:-

Gaakkoyee tookki/ waajji yingee toommooch

Kishee shuuraaro:-

kishoona waajji yingoooshee gaakkooch kindiyoo

Ashittine woyee aafee shuuraaro:-

Aalla

**3. Shooddo**

Kishee qecoo:-

Qanne kishoona yooche kishoona wotta

Kishee madee kaattoo:-

Qanne kisheecho maachi waan yooche kisheecho deshi Kishee qecoo kashemmi xaa'oo Yooche kishee gubbee toommooch

Kishee shuuraaro:-

Qanne kishoon guudii'i yooche kishee gubbooch

Kashiyoo

Ashittine woyee aafee shuuraaro:-

Aalla

**4. Beshiyoo**

Kishee qecoo:-

Gutte kishoona

Kishee madee kaattoo:-

Damba waan

Kishee qecoo kashemmi xaa'oo:-

Maacee ciinooch/ maacee aafi

Kishee shuuraaro:-

Dambinaa deshinooch tachoochoommon shuurikoona ikke kishoon deshi tuniyoo

Ashittine woyee aafee shuuraaro:-

Gaxoo ga'i waan wuqqeehe

**5. Gooyo**

Kishee qecoo:-

Qanne kishoona "1" haddoon yooche kishoona wotta

Kishee madee kaattoo:-

Qanne kishoo maach waan yoocheech deshi

Kishee qecoo kashemmi xaa'oo:-

Getee ciinooch/ getoyee aafi

Kishee shuuraaro:-

Qanne “1” haddee kishoon yooche kishee yafer-eena'o daggooch gijji'i qanne kishoon baach qanne badd daamo

Ashittine woyee aafee shuuraaro:-

Aalla

## **6. Naayo**

Kishee qecoo:-

Qanne kishoona haddoon yooche kishoona wotta

Kishee madee kaattoo:-

Qanne kishoo maach waan yoocheech deshi

Kishee qecoo kashemmi xaa'oo:-

Yooche kishee gubbe toommooch

Kishee shuuraaro:-

qanne kishoon guudii'i yooche kishee gubbe Toommooch kashiyoo

Ashittine woyee aafee shuuraaro:-

Aalla

## **7. Xuuxo**

Kishee qecoo:-

Gutte kishoona

Kishee madee kaattoo:-

Gutte kisheechonoona maaci waan

Kishee qecoo kashemmi xaa'oo:-

Maacee toommooch

Kishee shuuraaro:-

Gutte kishoonona ikkoon ikkoo toommooch guudiyoo

Ashittine woyee aafee shuuraaro:-

Aafo woddiyaanoon shishinnehe aafo kushehe

## **8. Wuttoo**

Kishee qecoo:-

Ikke kishoon

Kishee madee kaattoo:-

Maachi waan

Kishee qecoo kashemmi xaa'oo:-

Aafoo ga'i waan/ waajji yingee aafo waan

Kishee shuuraaro:-

aafi waan xu'o

Ashittine woyee aafee shuuraaro:-

Aafo shuutehe

## **9. Wochiyoo**

Kishee qecoo:-

Gutte kishoon

Kishee madee kaattoo:-

Maaci waan

Kishee qecoo kashemmi xaa'oo:-

Qanne kishoo aafi yooche kishoo wotta getee ciinooch Kishee shuuraaro gutte kishoonona tato deshi kindiyoo

Ashittine woyee aafee shuuraaro:-

Aalla

## **10. Quyecho**

Kishee qecoo:-

Gutte kishoon

Kishee madee kaattoo:-

Gutte kisheechonoona deshi waan

Kishee qecoo kashemmi xaa'oo:-

Getee ciinooch

Kishee shuuraaro:-

Gutte X kisheena'on yeshii'i aafi waan xu'o

Ashittine woyee aafee shuuraaro:-

Aalla

**Shalligoon biriyoonaa de'i iiqqoo**

Hin dooyee kuxona doyechina'o boonoshich icheti shimboona yesho beeti kaayina'on boono shuune giddiyemoch tuniibit (getit).



# Haaroo Uchoo

## Nuushittino

### Hini haaroochee quyeebeeti wocheena'o

#### Doyechina'o hini doyoyee gubbi:

- » Nuushittinee amittinon TMNna biriiheete
- » Nuushittino dabbiibeeti iwee, tookkii beemona gabee iriteena'on TMNna sheqqe-heete
- » Nuushittinooch bechiibeeti gommina'on bariyoona sheqqeheete
- » Nuushittinon aabichii wokkiyoo hakkiyeemmo gaata kimee nuucheenana tookkii ihaateheete.
- » Nuushittinoona tookkii yesho beeti malleteena'on gaachona mallette noonee kocoona minnaa kanno koccieete
- » Nuushittinoona tookkii yesho beeti malleteena'on sheqqeheete

### Doyee kuxo ikkoo inde malleteena'o

Hin doyee kuxo doyechina'o nuushittinoona tookkii yesho beeti malleteena'on boono herecheem-mone. Hini doyee kuxoochaa doyechina'o haaroo uuchoochi giddeti malleteena'ona bare boono ariibeeti nuushittinon biriiibeeti malleteena'on boono herecheemmoch tuniibit. Malleteena'on boono bekkiiibeeti goorooch malletooch kish-ee qecoon, kish-ee made kaatoon, kish-ee qecoo

kashemmi xaa'oon, kish-ee shuuraaron, aafoonaa ashittinee shuuraareena'onon gaawich dabbibit.

### Doyee kuxo guttoo: ello (ciino)

#### Gimee shemmeeshoo

Gimee shemmeshee echeena'och wochoo shemmeshee daggoonaa baribare haaree kuxina'ona wottemmina'o boono tunoona doyechina'o nuushittinooch boonoshich beeti ariyoon goomoch qannitone; tunemmona shemmeeshoyee aafi gimee shemmeshee echeena'on TMNna giddiichi doyechina'o kupphe shuuraaro boono geddemmo kupphiibit.

#### Doyichoo ikkoochee quyeebeeti wocheena'o

1. Shemmeshee maaci sheqqeeti nuushee shaahena'o uucheenana'o tunemmona boonoshiyoo caatee qaayo, shiishee cufiyoo/geechoo, tumbaa'ee cufiyoo, alikoolee uyoona woddii uyoona beenziinee shiiqqoonane.
2. Asheena'o nuushecho boono tunebeeto dabiiti shalligoonane. Shaahiyooch caatee qaayo shemmoyich gaawetone ii'i boono gabiibeetoch, tumbaa'ee cufiyoo boonoshich yebeenittino shaahiibetoch, shiishee gaacho gooqqoon xalliie hashiisho wotta mulli kuppho tuniie ii'i boono gabiibeetoch.
3. Nuushittino dabbiibeeti ikkoonoomi iriteena'o caatoyich, tumbaa'och, shiishooch, hashiishooch, alikoolee uyoyich kechiibeeti woxxoo kechi ashi gamiyoon miixiye. Iwee iritoon bi

dabbiibeeti qoodooch iiwoocha getaa kechii-beeti woxoo ikke ashichonoo tuneba showee ikkoonoomin miixiye. Nuushoona yecheti asho shuunoon tatoonaa shuuno bi hakkaani qoodooch ikke asho tuneba showee boono dani bedde gamiyoon muccheete.

4. Nuushittino dabbiibeeti iiwee iriteena’o no iyaabeetina’o nuushoona yecheti asho woddii’i tumbaa’o bi cufiibeetoch, alikooloon bi uchiibeetoch kachi ahee kuxina’o infekshino, shombee biiyo, qamee biiyo, coggooree biiyo dab na’one.
5. Nuushechi ashi tookkii beemi dano gishechoone no iyaabeeti nabeena’o kechi ashoon shacchiye; gooroon tatoonaa bi gaachiyaani qoodooch tookkii beemi danee toommooch dabbaache. Ebiyee daakkoona shuunee xaa’ooch tatoonaa bi daniyaani qoodooch shuunoochee yookkoon dabbiyoo bi hakkiibeeti qoodooch qollee woyee gaajji hukkoochi bedo bi hakkiibeeti qoodoochiye.
6. Akilooqi sheqqeti nuushittino dabbiibeeti gabee iriteena’o nuushoona yecheti asho bi kookoonaa tahee beehoo shaddebeetochi, bi ikkoonoomi/gamiyoo miixeebeeti qoodooch iddiro, gaaro, uqqubo shaahimmi tookkii beemi daneena’oochi bi dabbaani qoodooch bi kechi asho shacemmoch oogeti gabee iritooch beddiye.
7. Nuushittinon wokkiyoochi woyee nuushoona no yechiyaachemmochi nuuchee xu’oochee woho/nuushechi nuuchoon yechi qayo, miixiibeeti doyeeti shuuneena’oona shalligeena’o wokkiyoo woyee digenee yechiyee doyoon ubbee xaa’oochi gamichoo.

## Doyee kuxo keemo: yibbaato (biriyo)

### Doyichoo guttoochee quyeebeeti wocheena’o

Ebi doyichee toommooch doyechina’o minnaakanneena’ochi shalligoon boono digenetoyee gubbi kanneena’o boono hinnoommona baribare malletechina’o boono tunoommon baribare malleteena’oon bekkiiyoo boono hakkimi qoodooch minnaakanneena’o yechiti shalligoon dojjecho doyechina’och biriyoona doyechina’o baribare

malleteena’o boon bekkiiyemmoch kupphiyoona doyechina’oona tookki shuuniyeemmone.

### Doyichoo keemoochee quyeebeeti wocheena’o

Hin doyichee toommooch doyechina’o doyichoo guttooch icheti shaahiyeena’o degeyoona icheti malleteena’o kerimmi miheena’o gaachoon boono hinnoommona baribariibeeti minnaakanneena’o boono koccemmoch kupphiibit.

### Doyichoo awuddoochee quyeebeeti wocheena’o

Dojjecho ebi echeti doyichee toommooch doyechina’o boonoshich echeti malleteena’o kerimi miheena’o gaachoon boono qelli minnakanno boono koccemmoch kupphiiba.

### Doyichoo uuchoochee quyeebeeti wocheena’o

#### 1. Biiyo

Kishee qecoo:-

Ikke kishoona “5” haddoo

Kishee madee kaattoo:-

Yoocha

Kishee qecoo kashemmi xaa’oo:-

Ga’ee baree toommooch

Kishee shuuraaro:-

Daggi yafereen aafi kichoonaa ga’ee baree toommooch tunii’i wuqqoo

Ashittine woyee aafee shuuraaro:-

Aalla

#### 2. Gaboo /saayikoolooji

Kishee qecoo:-

Qanne kishoona “G” haddoon yooche kishoona wotta

Kishee madee kaattoo:-

Qannecho yoocha yoocheecho wotta maach waan

Kishee qecoo kashemmi xaa’oo:-

Getee ciinooch

Kishee shuuraaro:-

Yooche kishee daggoon qanne kishoona ga'i wochiwochii yexo

Ashittine woyee aafee shuuraaro:-

Aalla

### **3. *Alikoolee uyo***

Kishee qecoo:-

Ikke kishoona

Kishee madee kaattoo:-

Yoocha

Kishee qecoo kashemmi xaa'oo:-

Noonee ciinooch

Kishee shuuraaro:-

Inde yafereen noonee ciinooch tuniyoona qanne baddinaa yooche baddinooch shuurikkoo

Ashittine woyee aafee shuuraaro:-

Kookko giishecho gaxxeehe

### **4. *Andiro***

Kishee qecoo:-

Qanne kishoo "u" yoocheecho wotta

Kishee madee kaattoo:-

Gutte kisheechoona damba waan

Kishee qecoo kashemmi xaa'oo:-

Getee ciinooch

Kishee shuuraaro:-

Qanne U kishoona noonoon yechii'i yooche kishoon damba waan hidoo

Ashittine woyee aafee shuuraaro:-

Noonoon yeshii'i woddiyaanoon aafi xu'o

### **5. *Qelloon batto***

Kishee qecoo:-

Ikke kishoona haddoo guttoo

Kishee madee kaattoo:-

Qanna waan

Kishee qecoo kashemmi xaa'oo:-

Baree toommooch

Kishee shuuraaro:-

Mallette yafereena baron yechi'i ga'ee wochoona daggee yafereena baree toommoch kashiyoo

Ashittine woyee aafee shuuraaro:-

Aafo shinniinnehe

### **6. *Infekshino (mayo)***

Kishee qecoo:-

Qanne kishoo yesheti "9" haddoo yooche kishoo

Kishee madee kaattoo:-

Deshi waan

Kishee qecoo kashemmi xaa'oo:-

Yooche kishee gubbee toommooch

Kishee shuuraaro:-

Mayon hucci shaahe shuuraaro

Ashittine woyee aafee shuuraaro:-

Aalla

### **7. *Mulli kuppho***

Kishee qecoo:-

Qanne kishoona

Kishee madee kaattoo:-

Maaci waan

Kishee qecoo kashemmi xaa'oo:-

Getee toommooch

Kishee shuuraaro:-

"S" kishoon getee toommooch wochi wochii xoobo

Ashittine woyee aafee shuuraaro:-

Getoon aafi waani xu'o

**8. Doyoo/qoco**

Kishee qecoo:-

Qanne kishoo “1” naa

Kishee madee kaattoo:-

Maaci waan

Kishee qecoo kashemmi xaa’oo:-

Baree toommonaa getee toommooch

Kishee shuuraaro:-

Baroochee getoo waan daamo

Ashittine woyee aafee shuuraaro:-

Aalla

**Doyichoo shirittoochee quyeebeeti wocheena’o**

Shaahoo	sheexo	
1. Daamo	de’o	qayo
2. Biiyecho	iiwoo	
3. Shuuno	shuuna biisho	
4. Hayibecho	maggoo/shattiibeeto	
kettoo/doyeeto		
5. Doyoo	qoco	doyiyaano/andiron

**Shalligee biriyoonaa de’i iiqqoo**

Hini doyyee kuxoochaa doyyechina’o boono iihaateetonnaa baribare xaa’oochee boono kiciti iihaatiyee daacheena’on giddiiheete tunoona ubbee doyyechina’ona shuuraaremmoch kupphiibit. Dabboona michiiti wochoon imona doyyechina’o dabbimmi shuunooch ceene niyyoonaa topphiyee shalligoon boono yechemmoch tuniibit.

# Haaroo Shiritto

## Besheebeeti Biiyeena'o

### Hini haaroochee quyeebeeti daacheena'o

#### Doyechina'o hini doyoyee gubbi:

- » Besheebeeti biiyeena'ochi amittinon TMN-na biriiheete.
- » Besheebeeti biiyeena'o aabichininaa amee gommona boono besheebeeto gaata sheqqeheete.
- » Boono qelloon besheebeeti biiyeena'oochee aabichii quyo boono hakkemmo gaata TMNna sheqqeheete.
- » Besheebeeti biiyeena'o dabbiibeeti tookkii beemi iriteena'on bariiheete
- » Besheebeeti biiyeena'ona tookkii yesho beeti malleteena'on gaachoonaa mallettee noonee kocoona minnaa kanno koccyyeete.
- » Besheebeeti biiyeena'ona tookkii yesho beeti malleteena'on sheqqeheete.

### Doyee kuxo ikkoo inde malleteena'o

Hin doyee kuxo doyechina'o besheebeeti biiyeena'ona tookkii yesho beeti malleteena'on boono herecheemmone. Hini doyee kuxoochaa doyechina'o haaroo shirittoochi giddeti malleteena'ona bare boono ariibeeti besheebeeti biiyeena'on biriibeeti malleteena'on boono herecheemmoch tuniibit. Malleteena'on boono bekkiiibeeti goorooch malletooch kishee qecoon, kishee made kaatoon, kishee qecoo kashemmi xaa'oon, kishee

shuuraaron, aafoonaa ashittinee shuuraareena'on-on gaawich dabbibit.

### Doyee kuxo guttoo: ello (ciino)

#### Gimee shemmeshee echeena'o

Gimee shemmeshee echeena'ochi wochoo ubbee haaree hinnoona wottemmina'one. gimee shemmeshee echeena'o giddeti gaboo doyechina'o shimboyich boonoshich beeti ariyoon goomonaa amee gommona haaron boono dojjemmo gaata bariyoochiye.

#### Doyichoo ikkoochee quyeebeeti wocheena'o

1. Oshiyoo biiyechi ashi waanee iiwe ashi waani bi besheebeeto kashonane.
2. Iihaatiyee maaci sheqqeeti besheebeeti biiyeena'o shabaatteenao tunemmona boonoshiyoo oshiyoo, shombee shikkiyoo, echi aayi vii/eediso, iibooloo, koleeroo, geechoonaa taayifooyidoo-nane.
3. Shombee shikkiyee biiyo besheebeeto tuuberkuloosso getteeti baakiteeriyee indittinoona biiyechi ashi waanee iiwe ashi waani beshehe.
4. Shombee shikkiyee biiyoon beshiibeeti baakiteeriyoo tuuberkuloosso gettehe.
5. Iibooloo biiyo besheebeeti gommina'oochee ache daniyoo, kashona, biiyechi asho gaacheti qiiceena'ona gaachoonaa dab na'one.
6. Besheebeeti biiyeena'on wushoo hakkebeeto qellinaa kitaamitee xallittinon quyoona, xallittino quyeti maayeeena'on mamona, oshiyoonaa

woyee shombee shikkiye biiyoona yecheti asho oshijjiibeetona hexxijjiibeeti gooroochi kookkoonaa muddoonon qoreddoona qeroonane.

- Iihaatiyee maaci sheggeeti kashona biiyechi ashi waanee iiwe ashi waani besheebeeti biiyee-na'ò keemina'ò boono tunemmona boonoshiyoo shombee shikkiyoo, oshiyonaa iibooloonane.

### **Doyichoo guttoochee quyeebeeti wocheena'ò**

Hin doyichee toommooch doyechina'ò boono iihaatiyee inde mooyina'on doyechina'och giddi-heete. Boono iihaatiyee daachoon boono giddi-beeti goorooch boono giddiimmi biriyoonaa yesheti echeena'on echoona shimbee toommooch daakkee ariyoo boono danemmoch degit.

### **Doyee kuxo keemo: yibbaato (biriyo)**

Doyichoo keemoochee quyeebeeti wocheena'ò

Dojjecho ebi echeti doyichee toommooch doyechina'ò boonoshich echeti malleteena'on kerimi miheena'on gaachoon boono qelli minnakanno boono koccemmoch kupphiiba.

### **Doyichoo awuddoochee quyeebeeti wocheena'ò**

- Nuushechina'ò                      nuushecho-na'ò  
nuusho + ciichee + woddo
- Qaachechina'ò                      qaachecho-na'ò  
qaayo + ciichee + woddo
- Beshiyecho                              besho-yecho  
besho + ciichee
- Gibenittinoona                      gibeno-ttinoona  
gibeno + ciichee
- Baakiteeriyee-na'ò                      baakiteeriyoo-na'ò  
baakiteeriyoo + woddo

Shaahoo tune'i wodde haddechi baakiteeriyee-na'on biriyooch baakiteeriyoo immi malletoonaa woddo immi malletoon gaacho hakkeemmona baribaroo tune'i wodde haddechi baakiteeriyee-na'on biriyooch wotta baakiteeriyoo immimalletoonaa baribaroo immi malletoonon gaacho qaawiihe.

### **Doyichoo uuchoochee quyeebeeti wocheena'ò**

#### **1. Baakiteeriyoo**

Kishee qecoo:-

Qanne kishoo yoocheecho wotta

Kishee madee kaattoo:-

Qanneecho deshi waan yoocheecho wotta qanna

Kishee qecoo kashemmi xaa'oo:-

Getee ciinooch/getee aaf

Kishee shuuraaro:-

Qanne kishoon malletaabeeti yaferee waanaa yooche kishee madoon degiyoonaa shuurikkiibee aafi waan tuniyoo

Ashittine woyee aafee shuuraaro:-

Aalla

#### **2. Vaayireso**

Kishee qecoo:-

Qanne kishoo yoocheecho wotta

Kishee madee kaattoo:-

Qanneecho deshi waan yoocheecho wotta qanna

Kishee qecoo kashemmi xaa'oo:-

Getee ciinooch/getee aafi

Kishee shuuraaro:-

Qanne kishoon malletaabeeti yaferee waanaa yooche kishee madoon degiyoonaa aafi waan daamo

Ashittine woyee aafee shuuraaro:-

Aalla

#### **3. Guudoo**

Kishee qecoo:-

Ikke kishoonaa "5"

Kishee madee kaattoo:-

Deshi waan

Kishee qecoo kashemmi xaa'oo:-

Gaxee dechi

Kishee shuuraaro:-

Yaferoon yooppiibee qanna waan daamo

Ashittine woyee aafee shuuraaro:-

Aalla

#### **4. *Xallittino/xalloo***

Kishee qecoo:-

Gutte kishoona

Kishee madee kaattoo:-

Qanneecho deshi waan yoocheecho damba

Kishee qecoo kashemmi xaa'oo Getee ciinooch

Kishee shuuraaro:-

Qanne kishee madoon yooche kishee madee toommooch kotii'i qanne kishoon baach aaf waan daamo

Ashittine woyee aafee shuuraaro:-

Aalla

#### **5. *Wushoo***

Kishee qecoo:-

Gutte kishoona

Kishee madee kaattoo:-

Deshi waan

Kishee qecoo kashemmi xaa'oo:-

Yooche gogee ciinooch

Kishee shuuraaro:-

Gutte kisheena'on gi'i xappi'i yoocha waan xu'o

Ashittine woyee aafee shuuraaro:-

Aafo shuutehe

#### **6. *Meeqqeqqo***

Kishee qecoo:-

Gutte kishoona

Kishee madee kaattoo:-

Qanneecho yooche badd yoocheecho qanne badd

Kishee qecoo kashemmi xaa'oo:-

Getee ciinooch

Kishee shuuraaro:-

Gutte P kisheena'on xappi'i guudiyoo

Ashittine woyee aafee shuuraaro:-

Aafo shuutehe

#### **7. *Iiwee qoppecho***

Kishee qecoo:-

Qanne kishoona yooche kishoona "5"

Kishee madee kaattoo:-

Qanneecho deshi yoocheecho damba

Kishee qecoo kashemmi xaa'oo:-

Yooche kishee saatee cuyee toommooch

Kishee shuuraaro:-

Qanne kishoona yooche kishee qulloon yeshona dambinaa deshinooch shuurikkoo

Ashittine woyee aafee shuuraaro:-

Aalla

#### **8. *Atto***

Kishee qecoo:-

Qanne kishoona "5" yooche kishoona

Kishee madee kaattoo:-

Qanneecho deshi yoocheecho damba

Kishee qecoo kashemmi xaa'oo:-

Yooche kishee madee toommooch

Kishee shuuraaro:-

Qanne kishee daggi yafereen yooche kishee made toommooch tuniyoona guudiyoo

Ashittine woyee aafee shuuraaro:-

Aalla

## Doyichoo shirittoochee quyebeeti wocheena'o

Mallette noonona ceene shalligooon biriyooch hini doyee kuxon ariyoo gaawichii qaawiihe. Ebi tunoona echeena'on boono wochooyee gubb echeena'oyee damba giddeeti biriyoon meeqqeqqoona boono shemmemmonaa boonoshich giyaani shalligoo beegaata boono echemmoch kuphiibit.

1. Mallette noonona xaa'oon bekkiiyooch no gaachaabeeti yaweenao kochii bekkiiyoone. Shaahiyooch no aafooch beeti mooyon malletoyich qiico waan koyona no gaacho hakkimmo tunemmona noyee wokkii daneebeeti mooyon malletoyich wotta no gogee ciinoochi beeti xaa'oon gaachohon.
2. Mallette noonona no aafooch beetonaa aalli mooyon woyee ikke ashooon malletoyich no gaachaabeeto kishee shuuraroonaa aafee biriyoonane.
3. Mallette noonona woddittinoon bekkiiyooch no gaachaabeeti yaweenao malletoon wochiwochoona, malletooye gubbi woddoo immi malletoon gaachoonaa kishee shuuraroon wochiwochii bekkiiyoone. Shaahiyooch: tiichiye immi malletoon wochiwochii bekkiiimmona buricciye, mixo immi malletoo kishee shuuraroon woddemmona mixinao woyee kubbo tunehe.
4. Mallette noonona kocee shuunoon kaachii-beetinao gooroo, xaa'oo naa woddittinoonane. Shaahiyoochi: noyee aafi beeti xaa'oo gubbi gooroonaa woyemmi gooroonon bekkiihe. noyee gubb beeti xaa'oo wotta besheti gooroon bi bekkiiimmona no ga'ooch beeti xaa'oon gaacho wotta katino woyemmi gooroon malletehe.
5. Ikke mallette noonoon yibbaateebeeti ashoo gubbi gooroon bekkiiyooch bi gaachemmi xaa'oo biyee aafi beeti xaa'ooniye. Sha: gubbich, yaachi, dabbimmi dab

## Shalligooon imaa de'iyee iiqqoo

Hin kuxona kimee doyechina'on awudde guuphona qoodibit. Keejje guuphina'o guuphi wullee indittinoona baribare qiheena'on boono giddiyemmooch tuniibit. Awuddinnee guupho wotta keejje guuphina'o giddiiti iihatiyee indi inde mooyina'on shalligichee komadooch yeshona keejje guuphina'ochi kupphe ga'oonaa nire ga'oonon boono giddiyemmooch tuniibit. xaa'ee ,gooroonaa wodditinee malleteena'on tatoona boono gaachoon eboommonoo shalligichee yechi iiqqoo boonoshich bi beeyemmooch biriyoo imona dego imbit.



# Haaroo Shabaattoo

## Echi Aayi Vi Eedisoo

### Hini haaroochee quyeebeeti daacheena’o

#### Doyechina’o hini haarooyee gubb:

- » Echi aayi vi eedisoo amittinoo TMNna biriiheete
- » Echi aayi vi eedisoo bi besheebeeti gommina’onna Echi aayi vi eedisoo na yechiyaachemoch geddiya bede meeqqeqqee-na’o TMNna biriiheete
- » Echi aayi vi eedisoo shakkiibeeti tookkii beemi iriteena’o sheqqeheete
- » Echi aayi vi eedisoo tookkii yesho beeti malleteena’o gaachoo mallette noonee kocoona minnaa kanno koccieete
- » Echi aayi vi eedisoo tookkii yesho beeti malleteena’o sheqqeheete

### Doyee kuxo ikkoo: inde malleteena’o

Hin doyee kuxo doyechina’o echi aayi vi eedisoo tookkii yesho beeti malleteena’o boono herecheemmone. Hini doyee kuxoochaa doyechina’o haaroo shabaattoochi giddeeti malleteena’o naa bare boono ariibeeti echi aayi vi eedisoo biriiibeeti malleteena’o boono herecheemmoch tuniibit. Malleteena’o boono bekkiiibeeti goorooch malletoochi kishee qecoon, kishee made kaattoon, kish-ee qecoo kashemmi xaa’oon, kishee shuuraroon, aafoonaa ashittinee shuurareena’o non gaawich dabbibit.

### Doyee kuxo guttoo: ello(ciino)

#### Gimee shemmeshee echeena’o

Gimee shemmeshee echeena’o och wochoo shemmeshee daggoonaa baribare haaree kuxina’ona wottemmina’o boono tunoo doyechina’o echi aayi vi edisooch boonoshich beeti ariyoon goomoch qannitone; tunemmona shemmesheyee aafi gimee shemmeshee echeena’o TMNna giddeeti doyechina’o kupphe shuuraro boono geddemoch kuphiibit.

#### Doyichoo ikkoochee quyeebeeti wocheena’o

1. Shimi kechi biiyeena’o indittinoo gutta qood-eebeetina’o tunemmona boonoshiyoo attoona wodiibeetina’o naa attoona wodaaneena’o nane.
2. Shemmeshee daggooch sheqqeeti shimi kechi biiyeena’o shiriteena’o boonoshiyoo qacoo, yaato, nafoo, tiriikomoniyaasis, kaandidiyaasis-inaa echi aayi vi eedisoo nane.
3. Shaagoyee aafi maachaa anaamee danittinoo qayo, ikkoo ikkooch shaagoona tune’i beemo, nappoonaa ace mooyina’o non tookkii gaachee qayo, damoon imaa de’eyooyee aafi echi aayi vi edisoochee xalloo boon tunoon xiishoo, condeemoon meeqqeqqonaa tatoona gaacho, gashee hidoon ishaanee cagoon shaahiibeeti qiiceena’o tookkii gaachee qayo, miixiibeeti qocce atteena’o gaachee qayo iiwittinee quyee doyoon gamichoo.
4. Echi aayi vi eedisoo yecheti asho bekkii-beeti malleteena’o ashittinee maggittinee gi-isho attoona wadoo hakkaani agenoyee damba yagimmi maacee yexi biiyo; agenoyee damba yagimmi ashittinee gaamonaa oshiyee biiyo

ashittinee wuuraateena'ochi nafoo ; shombee shikkiyee biiyo dab na'one.

5. Echi aayi vi eedisoo biiyechi ashi waanee wode ashi waan bi besheebeeto maachaa anaamee danittinoonane.
6. Echi aayi vi eedisoo bi beshiiaani gommi-na'oo tookkii mamona, sheechi kexon tookkii gaachoon, tookkii beemona, tookkii qemona dab na'one.
7. Echi aayi vi eedisoo yecheti asheena'on wodiyooch icheebeeti atto aalloone. Tunebani kaate'i eedisee biiyechina'oo boon tuniyaachem-moch icheebeeti atto beete.
8. Biiyee gaminoch indi inde moosheena'oo genni qeyittino, shuunee muccittino, biyooch ariyee mucco dab na'one
9. Echi aayi vi eedisoo aagetee toommoochi bi aricheto awuroopee haddoon 1981 m.n yee gubbiye.
10. Echi aayi vi eedisoo beshiiaani gommina'on gettiibeeto mokasho shabaattoone.

### **Doyichoo guttoochee quyebeeti wocheena'oo**

Hini doyichoo doyechina'ochi ihaatiyee iiqqoon kupphiyooch giddeto bi tunoon sheeroon quye'i boono ihaateyoon, shimboochee boono kechi qayon, tate malletoon boono gaachoon ciinit. Dab-boonoo wochoon imona ihaatiyee gaacoon boono ariyemmooh tuniibit.

### **Doyee kuxo keemo: yibbaatoo (biriyo)**

Dojjecho ebi echeti doyichee toommooch doyechina'oo boonoshich echeti malleteena'on kerimi miheena'on gaachoon boono qelli minnakanno boono koccemmooh kuphiiba.

### **Doyichoo awuddoochee quyebeeti wocheena'oo**

#### **1. Xani xamo**

Kishee qecoo:-

Ikke kishoona "1"

Kishee madee kaatoo:-

Damba waan

Kishee qecoo kashemmi xaa'oo:-

Getee toommooch

Kishee shuuraaro:-

Malletiyee yafereen damba waan tuniyoona qettoon yittiyo

Ashittine woyee aafee shuuraaro:-

Qettoo getoo waan ga,ehe woyee yittiye

#### **2. Qacoo**

Kishee qecoo:-

Ikke kishoon "C"

Kishee madee kaatoo:-

Maach waan

Kishee qecoo kashemmi xaa'oo:-

Waajji aafooch /waajji yingooch

Kishee shuuraaro:-

Waajji yingoochee gaakko waan kindiyoo

Ashittine woyee aafee shuuraaro:-

Aalla

#### **3. Shikkiyoo**

Kishee qecoo:-

Ikke kishoona

Kishee madee kaatoo:-

Maaci waan

Kishee qecoo kashemmi xaa'oo:-

Waajji aafooch /waajji yingooch

Kishee shuuraaro:-

Waajji yingoochee gaakko waan kindiyoo

Ashittine woyee aafee shuuraaro:-

Aalla

#### **4. Nafoo/baambullo/**

Kishee qecoo:-

Qanne kishoona yooche kishoona wotta 1

Kishee madee kaattoo:-

Gutte kisheechoona deshi waan

Kishee qecoo kashemmi xaa'oo:-

Yooche kishee bekkiiyee/malletiyee yaferee toommooch Kishee shuuraaro:-

Yooche malletiyee yafereen qanne B kishee inde yaferee waanaa quco

Ashittine woyee aafee shuuraaro:-

Aalla

### **5. Kerikiro**

Kishee qecoo:-

Qanne kishoona yooche kishoona wotta 1

Kishee madee kaattoo:-

Gutte kisheechoona deshi waan

Kishee qecoo kashemmi xaa'oo Yooche kishee bekkiiyee/malletiyee yaferee toommooch Kishee shuuraaro:-

Yooche malletiyee yafereen qanne B kishee inde yaferee waanaa quco

Ashittine woyee aafee shuuraaro:-

Aalla

### **6. Seelo**

Kishee qecoo:-

Qanne kishoo yooche kishoo wotta

Kishee madee kaattoo:-

Qanneecho yooche baddi yoocheecho wotta damba Kishee qecoo kashemmi xaa'oo Yooche kishee cube toommooch

Kishee shuuraaro:-

Qanne "C" kishoon yooche kishee cubee toommooch gubbinaa aafinooch shuurikkoo

Ashittine woyee aafee shuuraaro:-

Aalla

### **7. laabiraatoori/ herechee kexo**

kishee qecoo:-

Gutte kishoona

Kishee madee kaattoo:-

Maachi waan

Kishee qecoo kashemmi xaa'oo:-

Ikke aafee toommooch toommooch

Kishee shuuraaro:-

Gutte kishoon xappoona aafe toommooch tuniyoona guudiyoo

Ashittine woyee aafee shuuraaro:-

Ikke aafu shishinnehe

### **8. Shaah animee dano**

kishee qecoo:-

Gutte kishoona

Kishee madee kaattoo:-

Qanne kishoo yooche kaattoo waan yooche kishoo wotta qanne kaattoo waan

Kishee qecoo kashemmi xaa'oo:-

Getee ciinooch yongee toommooch

Kishee shuuraaro:-

Qanne kishoo aafi gubbi

Ashittine woyee aafee shuuraaro:-

Aalla

### **9. Gaacho**

kishee qecoo:-

Ikke kishoona "U"

Kishee madee kaattoo:-

Maaci waan

Kishee qecoo kashemmi xaa'oo:-

Getee aafi

Kishee shuuraaro:-

Guudiyoo

Ashittine woyee aafee shuuraaro:-

Aalla

**10. Maaciyoo**

kishee qecoo:-

Gutte kishoona “5”

Kishee madee kaattoo:-

Ciinooch

Kishee qecoo kashemmi xaa’oo Baree toom-  
mooch

Kishee shuuraaro:-

Malletiyee yafereena baroon yechi’i “W” woy-  
ee “9” haddee malletoon shuunoona getoo waan  
kindiyoo

Ashittine woyee aafee shuuraaro:-

Aalla

**Doyichoo uuchoochee quyeebeeti wo-  
cheena’o**

Dojjecho ebi doyichee toommooch icheti shaahi-  
yeena’ on ciinona boono qelli xappe malleteena’ on  
boono koccemmoch kupphiibit. Ebiyee deshi  
sheqqetina’ o TMNoch xappe malleteena’ och  
gaawe shaahiyoo tuno hakkimmina’ one.

1. Ceello + kuxo = ajaagaaroo
2. Maachee + taatoo = maache taatee
3. cello + kooroo= feennoo
4. aa’o + cammo/decho/ = yiiroo
5. indo + katemoo = inde katemoo
6. anaamo + shaago = keno
7. maachee + shaago = mechee
8. naccoo + guuno + kuxo = nacce duqishoo
9. anaamo + baachi = mechaallo
10. maachee + baachi = kenaalle

# Haaroo Shimittoo

## Achee Miixittino

### Haarooche quyeebeeti wocheena’o

#### Doyechina’o hini doyoyee gubbi:

- » Achee miixittinee amittinon TMNna biriiheete.
- » Achee miixittinee shaaheena’o sheqqe-heete.
- » Achee miixittino aabichii bi shaggiibeeto gaatinaa aabichi’i wokkiyoo hakkeemmo gaata TMNna biriiheete
- » Maccoo achee miixittinee toommooch beeti ariyoon kaayona bekkiiheete
- » Achee miixittinoona tookkii yesho beeti malleteena’o gaachoonaa mallette noonee kocoona minnaa kanno koccieete
- » Achee miixittinoona tookkii yesho beeti malleteena’o sheqqeheete

### Doyee kuxo ikkoo: inde malleteena’o

Hin doyee kuxo doyechina’o achee miixittinoona tookkii yesho beeti malleteena’o boono herecheemmone. Hini doyee kuxoochaa doyechina’o haaroo shimittooch giddeti malleteena’o onaa bare boono ariibeeti achee miixittinon biriiibeeti malleteena’o boono herecheemmoch tuniibit. Malleteena’o boono bekkiiibeeti goorooch malletoochi kishee qecoon, kishee made kaattoon, kish-ee qecoo kashemmi xaa’oon, kishee shuuraaron, aafoonaa ashittinee shuuraareena’o non gaawich dabbibit.

### Doyee kuxo guttoo: ello (ciino)

#### Gimee shemmeeshoo

Gimee shemmeeshee echeena’och wochoo shemmeeshee daggoonaa baribare haaree kuxina’ona wottemmina’o boono tunoonaa doyechina’o achee miixittinooch boonoshich beeti ariyoon goomoch qannitone; tunemmona shemmeeshoyee aafi gimee shemmeeshee echeena’o on TMNna giddiichi doyechina’o kupphe shuuraaro boono geddemmo kuphiibit.

#### Doyichoo ikkoochee quyeebeeti wocheena’o

1. Shemmeeshee daggoochi shabaatte achee miixittinee shaaheena’o sheqqeteete.
2. Achee miixittinooch shakkiibeeti mooyina’o ashi hallee miixeenaa’o, hallee miixeenaa’o onaa bi timo arichiyaani achee miixeeeto tune shiijjoone.
3. Tahaaddisoo geto achee miixechina’ochi baribare degeena’o gedona boono miixoon kettiyoo getone.
4. Shimoyee aafi achee miixittinee shago geto xifee goora inde toommooch shaggimmi baribare miixeenaa’o, xifee goora alkoolee uyon woddii uyona dab shiijjeebeeti bushoo achoo miixeeeto tune’i shiijjo hakkiye.
5. Achee miixittinooch inde timeena’o tuno hakkimmina’o ashi hallee miixeenaa’o xuupho, tukkochee holloo, kaameelee miixoo, qobbobo, qaaqqoo dab

**Doyichoo guttooshee quyeebeeti wocheena'o**

- 1. C    3. B
- 2. A    4. D

**Doyichoo keemoochee quyeebeeti wocheena'o**

Hini dooyee kuxona giddemmi ihaatiyee echeena'ochi wochoo doyechina'ochi guuphi ihaatiyee daachee toommooch degetone. Hini dooyee kuchi qaawiyoo doyechina'ochi ihaatiyee iiqqoon dichoo tuneti qoodooch doyechina'o kupphe shuuraaro boono geddemmoach, shimbooyee maach boono keyaachemmoach, kaallo quyeree boono ihaatiyemmoach kupphiibit.

**Doyee kuxo keemo: yibbaato (biriyo)**

**Doyichoo awuddoochee quyeebeeti wocheena'o**

Dojjecho ebi echeti doyichee toommooch doyechina'o boonosich echeti malleteena'on kerimi miheena'on gaachooona boono qelli minnaakanno boono koccemmoach kupphiiba.

**Doyichoo uuchooshee quyeebeeti wocheena'o**

**1. Qachi aafee doogo**

- kishee qecoo:-
- Ikke kishoona qodeti
- Kishee madee kaattoo:-
- Maaci waan
- Kishee qecoo kashemmi xaa'oo:-
- Aafee ciinooch
- Kishee shuuraaro:-
- Ikke aafu yaferee caappeena'on aafee ciinooch tuniyoona qanninaa yooche baddinooch yooppoo
- Ashittine woyee aafee shuuraaro:-
- Woddiyaanoon aafu shishinnehe

**2. Ciinonaa waayoonon hakkee qayo**

- kishee qecoo:-
- Qanne kishoona yooche kishoona“2”
- Kishee madee kaattoo:-
- Qanne kisheecho yooche kaattoo waan yoocheecho wotta maaci waan
- Kishee qecoo kashemmi xaa'oo:-
- Yooche kishoo aafee qanne kishoo wotta waajji toommooch
- Kishee shuuraaro:-
- Yooche kishoon aafee toommooch tunii'i deshi waani quphiyoo qanne kishoon waamooche noonoo waan deebona kashiyoo
- Ashittine woyee aafee shuuraaro:-
- Aafu shishinnehe

**3. Yibbaato**

- kishee qecoo:-
- Ikke kishoona dukkee malletoo
- Kishee madee kaattoo:-
- Maaci waan
- Kishee qecoo kashemmi xaa'oo:-
- Noonee ciinooch
- Kishee shuuraaro:-
- Noonee ciinooch tuniyoona inde yafereen bare yafereena'ona yexiyoo
- Ashittine woyee aafee shuuraaro:-
- Noonoo kishoon dabbi'i shuuriye

**4. Iritoo**

- kishee qecoo:-
- Gutte kishoona gupheti
- Kishee madee kaattoo:-
- Qanneechoon yoocha yoocheechoon qanna
- Kishee qecoo kashemmi xaa'oo:-
- Getoyee aafi yonge toommooch

Kishee shuuraaro:-

Gutte kishoona kaalli kaalloona guudo shuuno

Ashittine woyee aafee shuuraaro:-

Aalla

### **5. Eengoo**

kishee qecoo:-

Gutte kishoona gupheti

Kishee madee kaattoo:-

Deshi waan

Kishee qecoo kashemmi xaa'oo:-

Baree ga'ee toommooch

Kishee shuuraaro:-

Dambinaa deshinooch shuurikkoo

Ashittine woyee aafee shuuraaro:-

Aalla

### **6. Xappeeti**

kishee qecoo:-

Gutte kishoona

Kishee madee kaattoo:-

Gutte kisheechoona deshi waan

Kishee qecoo kashemmi xaa'oo:-

Getee ciinooch

Kishee shuuraaro:-

Kaalli kaalloona ikke kishoon baroo toommooch tuniyoo

Ashittine woyee aafee shuuraaro:-

Aalla

### **7. Waajji deggi qūico**

kishee qecoo:-

Ikke kishoona

Kishee madee kaattoo:-

Maachi waan

Kishee qecoo kashemmi xaa'oo:-

Waajji toommooch

Kishee shuuraaro:-

kishoon waamoyee gubbi tuniyoona damba waan wuqqoo

Ashittine woyee aafee shuuraaro:-

Aalla

### **8. Guuddiibeeti koto/ wilichero**

kishee qecoo:-

Gutte kishoona naa "5"

Kishee madee kaattoo:-

Ciino

Kishee qecoo kashemmi xaa'oo:-

Maacee ciinooch

Kishee shuuraaro:-

Maacee ga'oonaa ga'oonooch kishoon yechiibee aafi waan yaggoo

Ashittine woyee aafee shuuraaro:-

Aalla

### **9. Kiraancho/dego/( ikke kishoona go-goono dego yeshona)**

kishee qecoo:-

Qanne kishoo yooche kishoo

Kishee madee kaattoo:-

Maaci waan

Kishee qecoo kashemmi xaa'oo:-

Gogee dechi

Kishee shuuraaro:-

Qanne hi kishoon gogee dechi tuniyoona yooche kishoon dechi heco

Ashittine woyee aafee shuuraaro:-

Kishee shuuraaron dabbii gogoo ga'o waan yiit-tihe

(Miixoo shaggiti xaa'oommona mallette kaattoo shaddiyoo hakkiye. Miixoo yooche baatee toom-mooch tunegaata malleto yooche baddaa shu-uniyemmo tunemmona qanne baatooch tunegaata qanne baddaa tunehe.)

### **10. Nacce gumbo/keeni/**

kishee qecoo:-

Ikke kishoona“1”

Kishee madee kaattoo:-

Deshi waan

Kishee qecoo kashemmi xaa'oo:-

Maacee ciinooch/ maacoyee aafi

Kishee shuuraaro:-

Malletaabeeti yafereen deshi waani guuppi'i qanna yoocha shuurikkoo

Ashittine woyee aafee shuuraaro:-

Aafo shishinnehe

### **Doyichoo shirittoochee quyeebeeti wocheena'o**

Hini doyichee toommooch doyechina'otate hanikkechonaa iiwee qoppecho, hanikkechonaa, achoo miixeeto, achoo miixetona bi kechi asho, achoo miixetona bi giyoon dab tate shuriyoon kerii' boono kaayon, tate wochoon boono beshiyoon, tate mallette noonoon boono gaachoon, kaalloon quye'i boono ihaatiyoon ciiniyee gubbich beshoon boono shuunemmoch qoyitee imona kuphiibit.

### **Doyichoo shabaattoochee quyeebeeti wocheena'o**

Hini doyichee toommooch doyechina'o bari bare wocheena'on imo hakkiyeete. Tunemmona wocheena'o hiniyee dechi ichetona shaahoo woyee giddeto tunehe getaa quyeeche.

1. Aree teach immahan( aree immi malletoon shuune'i imo immi malletoon maachee bi waan tuniyoo)
2. Ta biichi immo( malletoon bi waanee maachi waani tuniyoo)
3. Kabbadi bi nuuchoochi immite( nuuchoo immi malletoon boono shuunetoyee gubb k-a-b-a-d-d-i immo yaferee biroona bekkii'i imo immi malletoon yoochee qanne baddi shuuno)
4. Alimaazi boonoshich immetan( a-l-i-m-a-a-z-i immo yaferee biroona bekkii'i imo immi malletoon yoochee qanna wochiwochii shuuno)
5. Dojjecho doyechina'och immite( doyecho immonaa dojjecho immi malletoon shuune'i imo immi malletoon wochiwochii shuuno)



# Haaroo Yiixiyoo

## Aricheti Aritisteenà'ochi Qelli kiino

### Hini haaroochee quyeebeeti daacheena'

#### Hini doyooyee gubbi doyechina'o:

- » Baribare aricheti aritisteenà'ochi qelli kiinon digeena kimee nuucheena'och TMNna tochiyeete
- » Artisitee amittinoonaa shaaheena'onon TMNna biriiheete
- » Aritisto ikke showee dicochi biichi beeti gaacoon guuphona ihaatiyoona kimee doyechina'ochi bekkiiheete
- » Waayo hakkaani artisteenà'ochi qelli kiinon giddiiheete
- » Aritoonaa aritistoonaa tookkii yesho beeti malleteena'on gaachoonaa mallette noonnee kocoona minnaa kanno koccieete
- » Aritoonaa aritistoonaa tookkii yesho beeti malleteena'on sheqqeheete

### Doyee kuxo ikkoo: inde malleteena'

Hin doyee kuxo doyechina'o halloon aritistoonaa tookkii yesho beeti malleteena'on boono herecheemmone. Hini doyee kuxoochaa doyechina'o haaroo yiixiyooch giddeti malleteena'onaa bare boono ariibeeti aritisteenà'ochi qelli kiinon biriibeeti malleteena'on boono herecheemmoch tuniibit. Malleteena'on boono bekkiiibeeti goorooch malletoochi kishee qecoon, kishee made

kaatoon, kishee qecoo kashemmi xaa'oon, kishee shuuraaron, aafoonaa ashittinee shuuraareena'onon gaawich dabbibit.

### Doyee kuxo guttoo: ello( ciino→)

#### Gimee shemmeeshoo

Gimee shemmeeshee echeena'och wochoo shemmeeshee daggoonaa baribare haaree kuxina'ona wottemmina'o boono tunoonaa doyechina'o aricheti aritisteenà'ona boono ariyee shuunee toommooch boonoshich beeti ariyoon goomoch qannitone; tunemmona shemmeeshoyee aafi gimee shemmeeshee echeena'on TMNna giddiichi doyechina'o kupphe shuuraaro boono geddemmocho kuphiibit.

#### Doyichoo ikkoochee quyeebeeti wocheena'o

1. Aagetee meetir aritisiite afe woriq tekli bari bare ariyee shuunee na'ò eboshiyoo: shichee shuunoo, heeraawee shuunoo, qaxeree huuto, bari bare qecaa qecheena'on shuunetone.
2. Maachi shaddoonaa keeje balli humee birewoona kemaache getona shiijjooch bo beshiiti shichoo "yemesiqeli abeba" gettehe.
3. Aritisiti afe woriqi tekili bo ariyee shuunee na'ona wodde aagetee daqqee wojjeena'on bo showeechi bo daniyoo; agenee toommoochi topphiyee gopperaa goppero kakkemmochi bo tuniyoo; akisumi hawulitee wochiyee koomitoo tunoonaa bi wottemmochi bo tuniyoo; afirikee asheena'ò toommooch shaggiibee echeti miixee na'ò bo shichee shuunee na'ona aagetee maccooch bo arichiyoo na'one.

4. Aagetee meetir aritisiti afe woriq tekili maan-disittinoonaa noonee doyyoon bo neechito ariyee shuuneena'òn bo kotti naboone.
5. Aagetee meetir aritisit afe woriq tekili ikkin-noonaa guttinnee daqqee bo doyyoon bo doyyito bo shiijjeti Ankoberiyee.
6. Aritisiti afe woriq tekili bo bushittinee gooroochi bo shichee hakkoon bo biriibeeto bo komadee toommooch, woriqatee toommooch, daabbee toommoochi dab baribare shicheena'òn shichoonane.
7. Aagetee meetir aritisit afe woriq tekili 1954 M.N afirikee asheena'ò boono xallittinooch boono geddiibeeti qiiqcoon shichitone.
8. Aagetee meetir aritisit afe woriq tekili batti batti bo ciichoon/Exhibition/ bo qechito addisaabi qannayee kexoochiye.

### **Doyichoo guttoochee quyeebeeti wocheena'ò**

1. Arito geto ingiliizee miho tunemmona bi bii-shoo ariyoo getone.
2. Aritisito geto bari bare ariyee shuuneena'òn shuunebeeti ikke asho getone.
3. Arito woyee arisitee daggoochi haddebeetina'ò shichecho, huuttecho, duubbecho, shuurecho, bari bare qecaa qecheena'òne.
4. Arito woyee ariyee shuuneena'ò showoonaa ikke ashoonooch boono immiibeeti gaaco gamiyoon daniiheete, showee shunon daakkiheete.
5. Aritisito maccoo showee shunnecho bi tiniibeeti ariyee shuuneena'ò emirrikkoona, showee shuni duubon duubona, boono qecaa qecee shuuneena'òna qiho beshiyoona dab.

**Doyee kuxo keemo: yibbaato (biriyo)**

### **Doyichoo keemoochee quyeebeeti wocheena'ò**

Dojjecho ebi echeti doyichee toommooch doyechina'ò boonoshich echeti malleteena'òn kerimi miheena'òn gaachoonaa boono qelli minnaakanno boono koccemmoch kupphiiba.

### **Doyichoo awuddoochee quyeebeeti wocheena'ò**

#### **1. Huuto**

##### **1. Huuto (kechi qaxeroo)**

kishee qecoo:-

Ikke kishoona

Kishee madee kaattoo:-

Maachi waan

Kishee qecoo kashemmi xaa'oo:-

Aafi ciinooch

Kishee shuuraaro:-

Damba waaninaa deshi waaninoochi shuurikkoo

Ashittine woyee aafee shuuraaro:-

Aalla

##### **2. Huuto (shichoo)**

kishee qecoo:-

Ikke kishoona“U”

Kishee madee kaattoo:-

Maachi waan

Kishee qecoo kashemmi xaa'oo:-

Getee ciinooch

Kishee shuuraaro:-

Damba waaninaa deshi waaninoochi shuurikkoo

Ashittine woyee aafee shuuraaro:-

Aalla

##### **3. Huuto (qelli woyee achee huuto)**

kishee qecoo:-

Gutte kishoona“5”

Kishee madee kaattoo:-

Ciinoochi

Kishee qecoo kashemmi xaa'oo:-

Getee ciinooch

Kishee shuuraaro:-

Gutte kishoon madoo waanaa xappi'i guudiyoo

Ashittine woyee aafee shuuraaro:-

Aalla

(huuto aafeecho tunegaata malletoyee gubbi aafon huuto qelleecho tunegaata eboommon qelloon huuto qaawiihe)

## 2. Shuuraaro/dance/

kishee qecoo:-

Qanne kishoona yooche kishoona

Kishee madee kaattoo:-

Qanneecho maaci waan yoocheecho wotta damba

Kishee qecoo kashemmi xaa'oo:-

Getee ciinooch

Kishee shuuraaro:-

Qanne kishoon qanna yoocha shuurikkoo

Ashittine woyee aafee shuuraaro:-

Aafo kishee shuuraaron dabbi'i shuuriye

## 3. Shichoo

kishee qecoo:-

Qanne kishoona "I" yooche kishoona "□"

Kishee madee kaattoo:-

Gutte kisheechoona maaci waan

Kishee qecoo kashemmi xaa'oo:-

Getee ciinooch

Kishee shuuraaro:-

Qanne "I" kishoona yooche kishee madee toommooch yooppiibee kindiyoo

Ashittine woyee aafee shuuraaro:-

Aalla

## 4. Yitiro

kishee qecoo:-

Gutte kishoona "5"

Kishee madee kaattoo:-

Qanne kishoo yooche kaattoo waan yooche kishoo qanne kaattoo waan

Kishee qecoo kashemmi xaa'oo:-

Getee toommooch

Kishee shuuraaro:-

Yafereena'on yooppoo

Ashittine woyee aafee shuuraaro:-

Aalla

## 4. Qecaa qecoo

kishee qecoo:-

Gutte kishoona

Kishee madee kaattoo:-

Gutte kisheechoona maachi waan

Kishee qecoo kashemmi xaa'oo:-

Getee ciinooch

Kishee shuuraaro:-

Gutte kisheena'on getee ciinooch tunii'i gewiibee kindiyoo

Ashittine woyee aafee shuuraaro:-

Aalla

## Doyichoo uuchoochee quyeebeeti wocheena'o

Hini doyichoona malletoo beeti hinnechi biisho doyechina'o minnakannee shalligoon boono digenetoyee gubbi malleteena'on boono qelloona boono bekkiiyoo hakkemmi qoodoochi ikki ikkoonna minnakkanno yechiti shalligoon biriibit.

## Doyichoo shirittoochee quyeebeeti wocheena'o

Hini doyichee gaboo doyechina'o aabichii qihoon amooche boono daneebeeto gaata aabichii boono kiciibeeto gaatinaa aabichii mallette noonona riipoorto boono geddemmo gaata tuneti qoodoochi ikki ikke shaahiyeena'on imona aabichi boono shuunemmogaata bekkiiibit.

# Haaroo aashiroo

## Keemeshoo

### Hini haaroochee quyeebeeti daacheena'o

#### Doyechina'o hini doyooyee gubbi:

- » Keemeshee amittinooanaa indi inde shuriyeena'on TMNna biriiheete
- » Qaaree noonooanaa TMNnee keemesheena'o daggoochi beeti ikkitinooanaa baribaritinooon TMNna sheqqeheete
- » Bari bare keemesheena'on TMNna giddiyemmina'one
- » Keemeshee shaaheena'on sheqqeheete
- » Keemeshoona tookkii yesho beeti malletteen'aon gaachooana mallette noonee kocoona minnaa kanno kocciyeet
- » keemeshoona tookkii yesho beeti malletteen'aon sheqqeheete

### Doyee kuxo ikkoo: inde malleteena'o

Hin doyee kuxo doyechina'o keemeshoona tookkii yesho beeti malleteena'on boono herecheemmone. Hini doyee kuxoochaa doyechina'o haaroo aashirooch giddeti malleteena'ona bare boono ariibeeti keemeshoon biriibeeti malleteena'on boono herecheemmoch tuniibit. Malleteena'on boono bekkibeeti goorooch malletoochi kishee qecoon, kishee made kaattoon, kishee qecoo kashemmi xaa'oon, kishee shuuraaron, aafoonaa ashittinee shuuraareena'onon gaawich dabbibit.

### Doyee kuxo guttoo: ello( ciino)

#### Gimee shemmeeshoo

Gimee shemmeeshee echeena'och wochoo shemmeshee maaci bi daneebeeti qoodoochi gimee shemmeshee echeena'och boono ariibeetona boonoshich shaahimmi wochoon boono wochemoch kupphiibit.

#### Doyichoo guttoochee quyeebeeti wocheena'o

1. keemo kaacceti miheena'ona bekkii'i, gamichi'i wochee beshiyee yawoone.
2. Mallette noonee keemo kaacceti mallettechi malleteena'ona giddeemmo tunemmona qaaree noonee keemo wotta kaacceti miheena'ona bi giddoone.
3. Mallette noonooana qaaree noonee keeme shaahittino guttiyoona wocho beshiyee yawee'na'one.
4. Keemo mallette noonooana keemo hakkeemmo gaawe malletoon gabee malleteena'on gaachooana wocho beshiyoo hakkeemmonane.
5. Mallette noonee keeme shuriyeena'o biroonaa kettoona bekko hakkimmi malletoon gaacho, barite Noonee hakkee beemo, ashittinee shuuraaroon wochee beshiyee hakkoo, mallette noonee maccee qocoon ariyoo, doyeetona doyiyaani mallette biriyeena'on taatoona gaacho, tuniya bedoonaa nabechi aafee shuuraaron gaacheena'one.
6. Mallette noonoyee daakkoona maccee noonooana qocoonon gaawuchii ariyoo qaawiihe. Damba echo uuchoochi giddeti biriyoon

gaawuchii ciino gaacciye.

## Doyee kuxo keemo: yibbaato (biriyo)

Dojjecho ebi echeti doyichee toommooch doye-china'o boonoshich echeti malleteena'on kerimi miheena'on gaachoonaa boono qelli minnaakanno boono koccemmoch kuphiiba.

### Doyichoo awuddoochee quyeebeeti wochena'o

#### 1. Emiroo

kishee qecoo:-

Gutte kishoonona yaggo "5"

Kishee madee kaattoo:-

Gutte kisheechoona maaci waan

Kishee qecoo kashemmi xaa'oo:-

Getee toommooch

Kishee shuuraro:-

Damba waan getoon madoona hidoo

Ashittine woyee aafee shuuraro:-

Miicca geto

#### 2. Ayinoo

kishee qecoo:-

Qanne kishoonaa yecheti

Kishee madee kaattoo:-

Maaci waan

Kishee qecoo kashemmi xaa'oo:-

Yooche getee toommooch

Kishee shuuraro:-

Guudiyoo

Ashittine woyee aafee shuuraro:-

Aafo kushehe( ayinee malletoon bekkiihe)

### 3. Kishee shuunee ariyoo

kishee qecoo:-

Gutte kishoonaa

Kishee madee kaattoo:-

Getee kisheechoona maaci waan

Kishee qecoo kashemmi xaa'oo:-

Getee toommooch

Kishee shuuraro:-

Damba waan getoon madoona hidoo

Ashittine woyee aafee shuuraro:-

Miicca geto

### 4. Qaattoo

kishee qecoo

Gutte kishee

malletaabeeti yafereena "□"

Kishee madee kaattoo

Maaci waan

Kishee qecoo kashemmi xaa'oo toommooch

Qettee

Kishee shuuraro

Dambinaa

deshinoochi kaalli kaalloona kichoonaa kindiyoo

Ashittine woyee aafee shuuraro waan kaamehe

Qettoo damba

### 5. Maaco

kishee qecoo:-

Gutte kisheena'ochi malletaabeeti yafereena daggi yafereenon yeshiyoo("U")

Kishee madee kaattoo:-

Qanneecho yoocha yoocheecho qanne waan

Kishee qecoo kashemmi xaa'oo:-

Getee ciinooch

Kishee shuuraro:-

Gutte yafereena'on ga'oonaa yeshii'i getee ciinooch tuniyoona aafi waani xu'o

Ashittine woyee aafee shuuraro:-

Aalla

**6. Gamichii (Oogichii)**

kishee qecoo:-

Gutte kisheena'ochi malletaabeeti yafereenaa inde yafereenon yaggoo "L"

Kishee madee kaattoo:-

Ciinooch

Kishee qecoo kashemmi xaa'oo:-

Getee ciinooch

Kishee shuuraaro:-

Gutte kisheena'ochi inde yafereenaa malletaabeeti yafereenon yeshii'i baribariyoo

Ashittine woyee aafee shuuraaro:-

Bi oogittinee hinnnoommon aafee shuuraaro bariye

**7. Hinnoo**

kishee qecoo:-

Gutte kishoona gupheti

Kishee madee kaattoo:-

Qanne kishoo yooche kaattoo waan yoocheecho wotta qanne kaattoo waan

Kishee qecoo kashemmi xaa'oo:-

Getoyee damba

Kishee shuuraaro:-

Qachi guudo

Ashittine woyee aafee shuuraaro:-

Aalla

**8. Qecoo**

kishee qecoo:-

Qanne kishoona gupheti "A"

Kishee madee kaattoo:-

Yooche kaattoo waan

Kishee qecoo kashemmi xaa'oo:-

Getoyee aafi

Kishee shuuraaro:-

Qewiibee deshi waani kindiyoo

Ashittine woyee aafee shuuraaro:-

Aalla

**9. Shuunoo**

kishee qecoo:-

Gutte kishoona gupheti

Kishee madee kaattoo:-

Deshi waan

Kishee qecoo kashemmi xaa'oo:-

Getoyee aafi

Kishee shuuraaro:-

Aafi waaninaa gubbi waan

Ashittine woyee aafee shuuraaro:-

Aalla

**Doyichoo uuchoochee quyeebeeti wocheena'o**

Doyechina'o guuphona tuneree shuunemmina'one getaa quyeebeeti wocheena'o:

1. Ikke haddee kishee qecoona shuuneebeeti malleteenà

Hakkiyaache, aa'o, kooto, iberoo, ...ne (ee), hashiisho, doyyoo, axaaxoo, yibbaato dab na'one.

Eboshinaa bareena'on malletaabeeti yafereena baachi shuuneebeeti malleteena'on ikkoochi tuniyoona baribare minnaakanneena'on shuuno hakkiyeete.

2. Uuche haddee kishee qecoona shuuniyoo hakkimmi malleteenà

Koppo, ililitoo, jaaroo, kattoo, mocoo, shaago, amiyo, mixo, cuyee kexo, uxeroo, nihoo, indee dab na'one.

3. kishee qecoona shuuniyoo hakkimmi malleteenà

Gaambeelli, gedaamo, gullilaato, baalaagero, tuubo, emiroo, yeeri, genneto, gojjaamo, gondero, qato, dego, keemo dab na'one.

4. kishee qecoona shuuniyoo hakkimmi mallete-nao

Shaayo, daxxoo, caato, kullaaroo, koyo (tahee koyoch baachi), qaawiibeeto, maasttiikoo dab na'one.

5. Yesheti kishoona woyee kishee qecoona shuuniyoo hakkimmi mallete-nao

Kaaro, wushoo, mooter saayikilo, caammoo, shuunoo, yeexeroo, ayinoo, tophiyoo, noofito, wodoo, tiisho, kaameello dab na'one.

### **Doyichoo shirittoochee quyeebeeti wocheena'o**

Doyechina'o guuphona qoodeeyee boono guuphoommona yaaree haddoo "1-10", **U-h, h-T** beeti yaferee bireena'o TMN malleteena'on woyee gabee malleteena'on kiciyee boono komadee toommooch boono kooremmoch tuniibit. Dabboona boono kooriti malleteena'on xappoona baribare wocho beeti kaayina'on boono gididiyeemmoch tuniibit. Ebi hinnoona boono mallette gaachoon, boono aafee shuuraaroon, ceeni wochoon boono beshiyoon goomichi qoyito imbit.